

ANONYMI  
ORESTIS TRAGOEDIA

EMENDATIONEM EDIDIT

JACOBVS MAEHLY



LIPSIAE  
IN AEDIBVS B. G. TEVBNERI  
MDCCCLXVI.



ANONYMI

ORESTIS TRAGOEDIA



ANONYMI  
ORESTIS TRAGOEDIA

EMENDATIONEM EDIDIT

JACOBVS MAEHLI



LIPSIAE  
IN AEDIBVS B. G. TEVBNERI  
MDCCCLXVI.

LIPSIÆ TYPIS B. G. TEUBNERI.

## PRAEFATIO.

---

Duo adhuc inventi sunt codices manuscripti quibus quod inscriptum est „Orestis tragoedia“ sive „Orestis fabula“ carmen continetur, Bernensis alter (45) alter Ambrosianus (Ö. 74), duo editores, Carolus Guilielmus Muellerus Rudolstadiensis et ego. Et codicum quidem quem primo loco posui, Bongarsianus olim, membranaceus vetustate alterum longe superat, si quidem a Sinnero in codd. mscriptt. Biblioth. Bern. descriptione ad saeculum p. Chr. n. nonum refertur (quanquam Muellero „scriptus esse videtur saeculo demum X.“), Ambrosianus vero chartaceus saeculo non priore quam abhinc quarto exaratus est. Continet Bernensis praeter carmen nostrum Lucani de bello civili libros decem, in Ambrosiano vero insunt varia Vergilii, Claudiani, Calpurnii Nemesiani carmina sive sincera sive subditicia. Contulit illum Muellerus ipse cum Bernae adhuc degebat, hunc postquam

M. Hertz partem eius in Muelleri usum descripsit, R. Hercher denuo excussit totumque carmen „cum Muelleri exemplari accuratissime“ contulit.

Equidem hoc praesertim in carmine acquiescendum mihi esse putavi in utriusque viri diligentia comparandique codices sollertia. Accedit, quod neutrius manuscripti ea sit praestantia, non ut denuo exigendis operam te perdidissere recte iudicaveris: quin immo, singulari fere casu accidit ut quamvis vetustate multum discrepantes in pravitate omnique corruptelae genere mirum in modum conspirent, ut non facile dixeris uter utro magis sit inquinatus. Quanquam si utriusque menda numerantur modo, non pro gravitate ponderantur, superat Bernensis larga corruptelarum messe pravitatis aemulum, ut tamen in nonnullis per ulcerum foeditatem veram scripturam dispicere liceat. Nam ut omittam quae leviora sunt, codicis huius scriptorem litteras b et v fere constanter permutare, in omni vocabula recte scribendi ratione hunc in modum aberravit a vero, tanta est licentia grassatus, ut non tam indiligentem fuisse quam latinae linguae prorsus ignarum plurimis indiciis appareat. Qua in re qui codicem



Ambrosianum exaravit melius fuisse constitutum dubitari nequit, quanquam plus uno loco quas ille praebet scripturas latinas quidem specieque probas prae inquinatioribus barbareque sonantibus Bernensis sunt repudiandae. Cuius rei exempla in adnotatione critica videbimus.

In universum vero spectanti res ita est comparata, ut nulla plane vetustatis ratione habita ea sit promiscue ex utrovis lectio eligenda, quae sive a latinitate sive ab exteriori qualibet specie majorem habeat commendationem.

Ex his quae de codicum conditione strictim attigi (nec opus est fusius disputare) sequitur in constituendo carminis contextu, modo quis illum ad veri speciem exigere sibi in animum induxerit, permulta nec levissima redire ad editoris partes officiumque seu mavis ad emendandi sollertiam. Quas partes Muellerus quidem ita egit ut paucissima e conjectura nec semper probabili emendaret, longe plurima aliis profliganda relinqueret. At debebat vel prorsus manum continere ab emendando vel aequabiliter et constanter conjiciendi tentaminibus adhibere. Namque ingenium si pauculis admoveris levi sane opella restituendis

quidni in omnibus illis pericliteris quae non maiorem quam illa virium contentionem requirant immo vel obiter perlustranti tam certam emendationis speciem ostendant ut qui non perspiciat plena luce caecutire recte censendus sit? Dico verba leviter tantum corrupta, dico membrorum incisorumve distinctionem multis locis facili opera sive dissolvendam sive recuperandam sive permutandam (quo nusquam fere attendit Muel-lerus), dico sententiarum nexum vocula vel apice mutatis restituendum et quae sunt similia.

Hanc provinciam cum me quidem melius et plenius administravisse dico, haud ita velim intellegi quasi nihil me sequenti nescio cui reliquisse affirmaverim: quippe tam largiter per carmen nostrum pullulavit corruptelarum seges ut qui eam omnem exhausturum esse proprio suo Marte spoponderit aut alterum esse Heraclem necesse sit aut vero hominem ultra virium suarum modulum nimia confidentia abreptum. Quorum utroque a genere sentio me esse alienum.

Vix spero exstituros esse qui in tam abjecto scriptore ingenium periclitandum fuisse negent. Ut enim concedam carminis auctorem quisquis

sit neque orationis luminibus neque poeticae facultatis laudibus singularem in modum excellere (quanquam partes quaedam operis non prorsus his dotibus carent), habet tamen sua sibi peculiariora suasque proprietates quae quo longius a venerabilis usu antiquitatis normaue recedunt quam a probis priscisque poetis velut sidera a nautis observari videmus, eo sentimus nos procliviores ad diligenter persequendum et indagandum quicquid a vulgari tritaque per saeculorum decursum consuetudine abludit. Accedit quod ex his tantum rebus ad iudicii severitatem exactis atque pensatis de auctoris aetate recte colligi possit, quam nisi interior operis condicio evicerit (si quidem in externo ejus habitu ne minimum quidem vestigium quod eo ducat inest) quo tandem erit confugiendum ut non dico lucem sed lucis aliquod simulacrum quantulum id cunque est captemus? Certe hoc intellegemus, vix et ne vix quidem illum nescio quem (vide Sinner l. s. l. I, 507) oculis suis carmen perlustravisse qui pessuma conjectura saeculo p. Ch. n. primo priorique ejus dimidio compositum fuisse opinatus sit, a Pomponio scilicet Secundo, poeta tragico! Hoc

non est conjectare sed delirare. Posteriores enim aetatem et longe quidem posteriorem multumque ab argenteae illius finibus remotam singuli versus non tacite indicant sed aperte testantur, non testantur, sed clamant. Nec fieri unquam poterat ut argenteae quam dicunt aetatis auctor qualis sit cunque carmini epico ad Vergilii et qui praeterea sunt epici similitudinem efficto et a dramatis natura legibusque toto coelo distant inscriberet „tragoediam“, qua voce etsi translate utuntur auctores latini, nunquam tamen ita abutuntur ut genera quae sunt poeseos confundant. Nec hoc ullius est momenti quod quum in Bernensi titulus praefixus sit „Orestis tragoediae“ Ambrosianus „Horestis (sic!) fabulam“ prae se ferat, idem enim valet, quod in vulgus notum, apud auctores latinos drama atque fabula, comoedia vero ne quis Orestis fabulam judicaret non erat verendum. Vergilium autem quod noster potissimum expressit non mirum, si quidem vel qui serae latinitatis scriptores tragoedias proprie dictas concinnarent, omnino qui centones cujuslibet generis consuerent Vergilium presse secutos esse constat; qualem scimus Hosidium Getam Medae fabulam prorsus ad

veteris tragoediae normam exactam, i. e. mixta di  
verbiis cantica prae se ferentem totam ex Vergiliana  
copia hausisse. De quo vide Bernhardyum p. 335  
histor. litt. graec. et Meyerum p. 235 anthol. lat.

Sed ut liquido constet de nostri auctoris in-  
dole non poetica magis quam litterata et vero  
etiam de aetate, æge proprietatum quotquot a  
probae genuinaeque latinitatis consuetudine ab-  
horrent censum agamus tripertitum, ad gramma-  
ticam scilicet spectantium, ad prosodiam, ad me-  
trum.

Ut a levioribus initium faciam, memorabilis  
est apud nostrum adjectivorum in *alis* exeuntium  
crebra usurpatio, quorum ut omittam trita et apud  
alios quoque scriptores passim obvia, velut *trium-  
phalis*, *legalis*, *matronalis*, *jugalis*, *pastoralis*,  
*rogalis*, *maritalis*, adde rarius inventum *poena-  
lis*; praeter consuetudinem noster *Minervales*  
Athenas usurpasse videtur; quod vero etiam  
*coruscalis*, *medicinalis*, quin *diademalis* sibi in-  
dulsit, hoc perraro exemplo fecit vel nullo. Quo-  
rum quod postremo loco posui *diademalis* non  
ante V. saecul. invenitur, apud Dracontium His-  
panum; consimilique modo alium ejusdem saeculi

scriptorem, Sidonium Apollinarem video *nocturnal*is vocem finxisse Coelumque Sedulium *occid*ualis (Oceanum dixit) et *veniabilis* („fore quidquid ago veniabile apud te“): unde quis haud immerito colligat, nostri auctoris ipsius aetatem non ultra ejusdem saeculi terminos posse promoveri. Noster vero quum v. 677 (fortasse etiam v. 757) *complicibus* scelerum semibarbara usus voce dixerit habet delicti „complicem“ eundem Sidonium Sedulium („de semine *complicis* hydri“); quanquam nec Prudentium aetate paulo priorem ab illa voce refugisse video. Occurrit praeterea dubiae latinitatis vox *plectibilis* apud Sidonium non minus quam apud nostrum v. 425. Nec quod *sponsandi* verbo usus est noster pro substantivo sive mavis participio „*sponsus*“ (v. 78 ad thalamos conjux sponsantis Achillis) notandum est magis (si quidem in Digestis Paulus quoque hac voce usus est) quam quod v. 921 *graecissandi*, ubi propter metrum minime opus erat, prurigine captus *poli* locum concessit pro *urbe*: — (nemo poli servare deum puto vellet iniquum) — quam eandem in hac ipsa voce licentiam qui sibi sumpserit ante Flavium Cresconium Corippum Africanum

video neminem; vixit autem ille saeculo sexto. Possis eo magis mirari nostrum quod per totum carmen ab illo more sese continuit: quanquam quis prohibuerit, quominus vel ipsius Vergilii secutus exemplum voces graecanicas communi fere poetarum consuetudine receptas in suum quoque usum converteret? Scilicet, quod *polin* sibi indulsit vix puto aliam esse causam quam quod de *Athenarum urbe* dixit, quippe quae erat quasi πόλις κατ' ἐξοχήν, Graeco praesertim homini, qualem fuisse nostrum carminis exitus, in precationem pro universa Graecorum gente flexus, probare videtur.

Hoc posito jam vox illa graeca minus habet mirationis quam exempli gr. *chelidonis* vocabulum, quod auctor Pervigilii Veneris, nostro haud dubie multo aetate prior, pro *hirundine* admisit. Quid, Graeculum esse nostrum (quandoquidem huc sumus delati) saltem non Italum, linguaque Romana non tam velut lacte innutritum quam studio et disciplina excultum, nonne inde intellegitur, quod verborum quorundam sensum male captum in devia flexisse videtur, velut dixit v. 43 candida *fluctivagi* tendebant carbasa venti — passivae vocem na-

turae, quae est *fluctivagus*, in activam ventorum vim detorquens? quum tamen simillimae et formationis et significationis verbum compositum *undivagus* (v. 362: dixit et undivagis vestitus fluctibus intrat) recte intellexeret. \*) Ubi vero gravius aliquis offendat, *plantigera vota* (v. 118 publica plantigeris execrans gaudia votis) pervelim scire qualia noster sibi finxerit: opponenda erant publicis privata et clandestina Clytaemnestrae vota, haec vero quibus quaeso unquam machinis possunt dici *plantigera*? At nimium quantum hoc quidquid est vocabuli a loci sententia distat quam ut nostro equidem assignare ausim. Eliminandum, ni fallor, monstrum lectionis scribendumque: publica *clam nigris* exsecrans gaudia votis. Haud male compositum est, mirandum potius non alibi inveniri vocabulum *plectriger* quo Apollinem epitheto noster designavit, quem eundem Sidonius

---

\*) Scio, ausum fuisse Maronem (Aen. I. 224) mare *velivolum*, quum proprie naves sint velivolae; at hoc metonymiae genus, utpote longe illo modestius non modo nihil offensionis habet, sed vel peculiarem gratiam.



Apollinaris *plectripotentem* dixit, minus audacter uterque quam qui vigente *frugifer* vocabulo *frugiferens* composuit adulta linguae Romanae aetate Lucretius vel qui *flammicomans*, *glaucicomans* similia vocabula non reformidaverunt gravibus latinitati saeculis seriores poetae. Quod vero dixi videri nostrum studio potius addidicisse quam a teneris imbibisse latinam linguam, hoc quoque habeo argumentum, quod fallaci scilicet ductus recordationis quadam specie est ubi genus substantivorum confundit. Qui quum Vergiliani (Aen. II. 763) „Troia gaza“ memor quidem esset nec tamen qua sententiae conformatione diceretur satis teneret, neutrum plurale esse opinatus, quod femininae vocis erat numerus singularis („undique Troia gaza incensis erepta adytis“) imitabundus hunc fudit versum 290: (quae ratis avexit regem haec quoque pignora regis) spesque Agamemnonias et *Troica gaza* reportat. Nec quomodo versum 593 expediam invenio nisi eadem adhibita medela. Ibi enim Pylades ut confirmaret amicum a vindictae atrocitate refugientem, ubi interfecti patris Manibus hoc deberi munus asseruit, nonne, inquit, ejus umbra

occurreret per mille vias, per limina portae  
 obsidet tremulis haec vocibus astra lacessens:  
 inmeritum sic nate paras defendere patrem, cett.  
 Vides „haec astra lacessens“ quam sit intolerabile.  
 Scribe

obsidet tremulis *te* vocibus *oestra* (οἷστρος) la-  
 cessens

qua mutatione sensus redit versui. Scio equi-  
 dem rem qua de modo dixi, exemplis non prorsus  
 carere, ut videmus Petronium, latinarum Venerum  
 haud mediocrem sane iudicem, usurpare „*balneus*“  
 genere masculino, item „*vinus*“ „*factus*“ „*lorus*“,  
 ut taceam quae veteres imitandi studio sibi  
 indulsit (vide Studerum mus. Rhen. vol. secundo  
 p. 77 de hac re disputantem) nec me fugit in  
 inscriptionibus vel has sordes: *hunc* theatrum,  
*hunc* prodigium, *hunc* sepulcrum, *hunc* monumentum,  
 inveniri: at haec similiaque vix cadunt in  
 comparisonem, nedum ut excusationem nostro  
 parent: manant scilicet ex vulgari plebeculae  
 sermone rusticorumque et provincialium quibus  
 cum poetis nihil est commune. Qua vero  
 ratione Graecus homo aberraverit ad vocabuli  
 ex sua ipsius lingua ducti genus

mutandum, discernere nolim. — Sed de verborum copia et delectu ut transeamus ad declinationem, in nominibus quidem diligenter cavit noster ne quidquam licentiae per seriora litterarum latinarum saecula identidem obviae admitteret qualia sunt exempli causa *Marcie* casus vocativus, item *Dee* pro *Deus*, *ossuum* (Lucretio licet hunc abusum praeceunte): unum vero et ipse sibi concessit dicamne an imprudenti excidere passus est — Ablativum in ě neutrorum recto casu in eandem litteram exeuntium: v. 368 pro Phrygibus pelagus saevit, *mare* vindice Trojae — quod facillime poterat devitare scribendo ἀσυνδέτως (quam figuram mirifice vel adamat)

pro Phrygibus pelagus saevit, vindex mare  
Trojae.

Eadem licentia quum occurrat apud Sedulium (marĕ, praesepĕ pro mari, praesepi, apud Corippum quoque, aetate illo posteriorem, *missile* eodem casu usurpantem) nec apud quemquam quantum equidem scio priorum aetate auctorum invenitur, jam hoc indicio probatur, nostrum, si vitae terminum vel maxime promoveas, non posse citra medium saeculum quintum vixisse, ego vero, ut

sententiam meam aperiam, vel Corippo propiorem esse quam Sedulio persuasum habeo.\*) —

In verborum proprie dictorum declinatione nihil eum a vulgari traditaque consuetudine recedere vidi praeterquam quod v. 169 *periet* dixit pro *peribil*. Quanquam hac in re non opus est provocare ad Tertullianum (ut mittam Corippum) ejusdem soloecismi socium, qui „deperient“ admisit, sed ad clarissimum Tibulli exemplum qui eleg. libr. 1, 4. 27 *transiet* non refugit, ut jam mirum non sit L. Annaeum Senecam philosophum hoc idem sibi licere existimasse. Nec multum ablu- dit ab hac, quam modo vidimus in *eundi* verbo licentia, Christianorum poetarum finitima, qua sci- licet verborum quartae adscriptorum conjugationi futurum primum in *ibo*, *ibor* flecterent: *sepelibo*, *finibo*, *ordibor*, *largibor*. Nec intra futurum tempus continet se licentia, et in praeterito quum *posivi* formam non respuissent (praeter inscriptio- num antiquiorum auctores Plautumque) Catullus et Tacitus, Corippus ille quem passim nominavi in

---

\*) Levius est, quod casum sextum vocis quae est *securis* effluxit *secure* (v. 214), praeter consuetu- dinem.

„*furui*“ atque „*strui*“ formas, quarum priorem etiam apud nostrum invenis v. 846, evagatus est. Nec participiis pepercit, siquidem ab *abscondendi* verbo derivavit *absconsus* nec minori sane audacia Arator poeta fere coaetaneus idemque Christianus *graditurus* effinxit praecessore utique Juvenco usus qui consimili arbitrato *hauriturus* formam procuderat. Quorum omnium apud nostrum nec vola nec vestigium. —

Sed ad Syntaxin ut me convertam, complura quae noster admisit apertissime seriora tempora demonstrant. Auctor Pervigilii Veneris, si nulla alia re, advertit nos usu prorsus singulari lateque patenti quem praepositioni *de* concessit. Neque aliter noster, quamvis parcius, a vulgari norma recessit v. 542 crimina purgabit matris *de* tempore prisco et v. 886 accusat gemino *de* crimine Orestem — ubi Genetivis locus erat — v. 431 (Medea) viduata viro *de* pellice Glauce — ubi *per* praepositionem expectaveris. Quanquam haud ignoro, etiam apud probae latinitatis auctores inveniri quae abusui viam quasi sternere possent, velut *de* aliquo agrum colendum habere, *de* aliquo audire (*de* Davo audiavi Terent. in Andr.,

*de comite Argolico postquam cognovit cett. Ovidius in Trist.), sed tamen accuratius examinanti haec illis multo sunt leviora. Quid, quod vel probatissimi optimorum temporum auctores abstinuerunt ab usu particulae quod post verba dicendi, declarandi, intellegendi, similia? Quam rem plurimis exemplis probatum ivit Perizonius ad Sanctii Minerv. 450 seqq. Jam audi nostrum, v. 129 credidit aequoreas quod rex sit mersus in undas, v. 275 credere quis posset desertorem Asiae foderet quod cultor agelli, v. 354 fingere quod pelagus rapidum demersit Atridas. Dices, Ciceroniana, Liviana aliorumque haec posse auctoritate defendi; idem vero quod longius progressus particulae quod substituit ut, v. 529 (non pudet) ut pastor mea regna notet, equidem eo inclino ut quia quoque ab ejus manu profectam esse particulam credam v. 672 indicat occulte paucis quia vivit Orestes, nec mutandam in quod, quanquam per scribendi compendia quum quod quia quando non uno loco confundi sciunt harum rerum periti. Quia autem particulae illo loco positae licentiam ut quovis alius vel abjectissimi scriptoris exemplo excuseam frustra quomodo*

fieri possit circumspectio; de Palladio enim libr. III. tit. XIII, non credo. — Sed praepositio *de* unde huc deflexi, admonet alius cognatae voculae, *per*, quam eandem plane singulariter usurpavit noster v. 194

unaque natarum cinis est *per* templa Dianae  
itemque 464

cujus adoratus constat *per* templa precantis  
iratos audisse Deos

quo utroque loco alius quilibet scriptor *in* c. Ab-  
lat. posuisset,\*) nec tu minus cunctanter v. 900  
in prosario auctore intersereret *a* praepositionem  
(percutienda fuit rea maxima iudice justo  
non tamen ense suo)

verbis *maxima* et *iudice*, flagitante quidem regula  
sed, apud nostrum, repugnante metro. Quanquam  
habet res umbram quandam excusationis in mem-  
brorum quaesita parilitate *iudice justo* — *ense*  
*suo*. Quod vero *eundi* et *veniendi* verba, quem  
quis terminum versus passus dirigeret significa-  
tia, omni praepositione omissa, cum tertio casu

---

\*) Versu quoque 832 *per* quamvis alia tamen  
inusitata vi reperitur esse usurpata.

conjunxit — ut ex. gr. ibat alumna manus tumulis  
 regalibus (= ad tumulos regales), venit Athenaeis  
 mox sedibus (= ad Athenaeas sedes), et sic saepius\*)  
 — id eum suo et infelici quidem Marte fecisse  
 censeo, quo a latinorum auctorum legitimo ut ita  
 dicam coetu longo temporis intervallo sese distare  
 satis ostendit. Multo enim hoc gravius est illo  
 quod saepe posuit *eundi* verbum pro simplici  
*esse* vel *existere*, ut v. 198 felicior ibis, atque  
 Agamemnonia regno potieris et aula — quando-  
 quidem jam apud Ovidium hic usus valet. Quid,  
 versibus 534, incolumi Pylade *suo*, 622 quae sen-  
 sus monuere *suos*, 901, non tamen ense *suo* (conf.  
 quoq. v. 590, 819, 894) — pronomine possessivo  
 quod usus est pro demonstrativo quo secundum

---

\*) Nec tamen ausus sum hanc nostri proprie-  
 tatem propagare ad nomen *domus*, ut codicum scrip-  
 tura v. 157 *redit domo* exhibentium pro *domum* repu-  
 diata *domum* scripserim, ne contrarium fere ejus dicat  
 scriptor quod dicere volebat. Qua correctione non  
 opus erat v. 287 ubi *secumque adduxit Athenis*  
 quamvis insolentissime dictum, reliqui integrum, quia  
 ne pro sextu casu haberetur Athenis, cautum erat  
 praepositione *ad* verbi *adduxit*.



grammaticos opus erat, ipsius Ciceronis licebat auctoritate defendere, hanc sibi licentiam aliquoties condonantis (vide Vossii gramm. lat. Syntax. 33), at vero interest inter gratam orationis negligentiam quae, apud Ciceronem praesertim, virtutis fere speciem aucupatur, atque poetae epici magnificam constantemque gravitatem.

Hoc quoque decrepitam qua noster vixerit linguae aetatem testatur, quod tempora verbi nulla nisi metri cogente necessitate temere commutaverit, ut non dixerit tantummodo v. 4 non quae *jugularat* (pro praeterito) v. 823 *terruerant* haec monstra virum (pro *terruerunt*), praecedenti Praesenti quod dicunt historico, (quanquam potest subesse vitium scribendumque fortasse *terruerunt*, licentia apud poetas non inaudita corripiendae penultima, ut videmus praeter Plautum atque Terentium vel Horatium in Epod. libro v. 17 *vertērunt* usurpare, Phaedrumque fab. libr. IV, 20. 16 *abierunt*) nec, quod multo etiam gravius, v. 865 litore *constiterant, fuerant* ubi templa Dianae (ubi Imperfecto vel maxime opus erat), sed quod omnium longe est gravissimum, in interrogatione adhibuit Imperfectum pro Praesenti v. 873

hostia dic, quis *eras* aut cur Agamemnona clamas?\*)

Idem, ut per saturam quaedam comprehendam, mirabili sane audacia, Genetivo causali quem apud poetas late patere grammatici docent, usus est in rectione adjectivi *pius*, v. 440, ut dixerit de Alcestide „*pia* conjugis, *impia* de se“, *quaerendi* verbo addidit Accusativum cum infinitivo v. 628 „*quaerentes* ausa latere“, *petendi* autem duplicem Accusativum v. 533 si peto Cecropidas vindictam sospite nato, quos legitimos esse comites scimus *rogandi* vel *orandi* verbis a *spei* vocabulo progerundio suspendit conjunctivum, v. 310 Trojanas *raptaret* opes spes una manebat; quod contra v. 99 virgine pergo redux, plangenti reddere matri — in nudo Infinitivo acquievit, ubi particula *ut* atque conjunctivo opus erat — denique Graecorum ad morem, verbum *πιστεύουσαι* passiva et forma et significatione ad personam referentium eam, quae tertio casu activae formae addita est, noster de puella quadam dixit v. 707 „statim credita non est.“ —

---

\*) conf. quoq. v. 723 *dixit* et ..... *immerserat*.

Sed quod mihi quidem maxime videtur abhorrere a sana vel ut verius dicam ab omni latinitate, quapropter extremo hujus quae est de grammaticis nostri rationibus loco reservavi, hoc est, quod verbis quibusdam incohativis in *sco* exeuntibus activam h. e. transitivam induit potestatem, v. 128 et lasciva reos *pulcrescunt* gaudia vultus, et v. 582 si sensus iners tua corda *tepescit*. Horum vix quicquam simile per omnem latinitatem invenies nisi apud Corippum saepius memoratum qui duobus locis (Johann. VI. 253 et 484) *mansuescere* posuit pro domandi verbo, is vero fretus fortasse Varronis auctoritate, quem de re rust. libro II, 1. 4 scribentem faciunt: cum propter eandem utilitatem silvestria (sc. animalia) deprehenderent ac concluderent et *mansuescerent* — unde Sanctius quoque non invito, tacente certe Perizonio inter neutra active posita retulit III. 3. p. 316. nosque conferre jubet verbi *suescere* compositorumque *assuescere*, *insuescere*, *consuescere* similem plane rationem exemplis proborum auctorum confirmatam. Et quum in Varronis loco facillima sane sit et a nonnullis commendata mutatio *mansuefacerent*, tamen fortasse opusea non

est, ad formam enim quid aliud est mansuescendi verbum quam supra dicta composita etymi quod est suescere? Sed hoc utut est — nam ne hoc quidem omni exemptum est dubitatione sitne revera verbum suescendi incohativis proprie dictis adnumerandum an activa vis primaria fuerit formatioque similis verborum Graecorum στερίσκω, κνίσκω, πιπίσκω cett. \*) — hoc certum est, constituisse illum usum intra fines verbi *suesco* compositorumque nec unquam latius ad verba praeter om-

---

\*) et apud Latinos inveniuntur verba nec pauca quidem quae quumincohativorum formam ac speciem prae se ferant, activa sunt, ut *miseresco*, *concupisco*, *scisco*, *paciscor*, *adipiscor*, *comminiscor*, *nanciscor*, *ulciscor*, alia, haec vero quid mirum est sequi casum, quem, unde efficta sunt verba primitiva misereor, concenpio, scio cett. —? *pulcresco* vero ecquo nititur etymo verbali, *tepesco* autem verbo quod subest *tepeo* simplex, quo unquam jure transitive usurpari potest? Permulum enim abludit quod aliis quibusdam verbis poetae vere ita dicti transitivam vim induerunt, quanquam et ipsi satis audacter (ut scripsit Vergilius *resonabat assiduo lucôs cantu* vel *instabant Marti currum*, sive Horatius *manare poetica mella*, *stillare rorem ex oculis* [Madvig grammat. §. 223]) siquidem horum verborum forma per se non respuit vim activam.

nem dubitationem incohativa propagatum fuisse nisi a scriptore, qualis noster censendus est, longe a genuinis intemeratae latinitatis rivulis remoto.\*)

---

Venio nunc ad rationes metricas prosodiaeque ex quibus possit aliquid elici ad constituendam auctoris aetatem.

---

\*) Quanquam, ut verum fateamur, ad barbariem illam verborum incohativorum transitiva vi usurpandorum viam munivisse videtur quod jam apud Lucilium et Plautum invenitur *sole occaso*, a plebeia fortasse consuetudine desumptum, quod imitatus Paulinus eodem sibi jure licere arbitratus est dicere *obitis mortalibus*, nec semel quidem. Ejusdemque licentiae est, quod Petronium plebeji sermonis imitatore admississe videmus, ut *effluere vinum* diceret, pro *effundere* quod quî mirum est Claudianum plus uno loco fideliter expressisse? Omnino quod attinet verba illa intransitiva passive usurpata, tenendum est, probos auctores non nisi in participiis hanc sibi licentiam indulsisse. Velut inveniuntur praeter *obitus occasus* supra memorata Prisciano teste 9, 9, 48. 49 p. 869, 870 *interitus, discessus* (Caelius: custodibus discessis), *senectus* (Sallust. histor. l. IV. senecto corpore), *proeteritus* autem vel apud Ciceronem passim inveniri notissimum.

Hac in quaestione quum recte animadversum sit, quo quis auctor sit recentior h. e. remotior ab aurei saeculi quod dicunt terminis, eo illum numerum elisionum seu synaloephas dicere mavis imminuere solere — ut exempli gratia computo facto jam Ovidius inferior sit Vergilio hoc nomine — res ita apud nos est constituta, ut in universum consideranti in sedecim septemdecimversuum numerum una non amplius elisio cadat, qui sane numerus ad Vergilii ubertatem collatus exiguus est dicendus. Tamen est quoque ubi uno eodemque versu duplex occurrat velut „*eversorem Asiae, natum* omnipotentis Achillis“ — nec omnes sunt leviores, ut cum non solum monosyllaba in longam vocalem exeuntia per synaloepham cum sequenti voce commiscentur: *qui* exhaust civibus urbem — *si* ulciscenda fuit — sed etiam in diphthongum terminata eadem monosyllaba: „*quae* aptabat pietatis amor“ — cujus exempli simillimum praebet Avienus: *quae* Himilco Poenus cett.; ante brevem vero syllabam elisorum quae in diphthongum exeant exemplum invenire nullum. Nec crebro *hiatum* noster admisit: v. 944 si decreta deum homini tractare liceret — v. 892

sanguinis oblitum humani juris egenum — v.837  
it manus ad capulum et crebris ictibus auras —  
ubi vides neclectam synaloepham cadere in pri-  
mariam quam metrici dicunt caesuram, ut notum  
illud Propertianum: o me felicem, o nox mihi  
candida! itemque Catullianum: Jupiter ut Chely-  
bum omne genus pereat. Ecthlipsim vero Vergi-  
lium vel in ea interdum incisione neglegere, quae  
non primaria est epici versus, constat, veluti: si  
pereō, hominum manibus periisse juvabit. Quae  
exempla dubito an minus Romanam scilicet aurem  
offenderint quam Plautina, Enniana, Luciliana,  
quae neclecta item synaloepha vocum in *m* exeun-  
tium ultimae syllabae, brevi videlicet, locum con-  
cederent in thesi, velut Ennius (nam de Plauto  
nota res): dum quidē unus homo Romanus cett.,  
vel: milia militū octo — Lucilius: sordidū  
omne cett. Et quum constet, posteriores poetas,  
christianos maxime, non solum syllabas breves  
fere omnes quotquot sub ictum cadunt primarium,  
pro cōmuni habuisse (velut Priscianus: et  
radios solīs et sacra mente retractant — Claudia-  
nus: claudicat hic versūs, haec, inquit, syllaba  
nutat — altera succrescīt, alternantesque colo-

rum — Sedulius: majestas similis, haec est via namque salutis) sed vel eo extendisse licentiam, ut ante *h* atque *qu* litteras producerent (āquila, alternāque, lōquax, īnhabitant, quīs hominum, sōphisma, mēthodicus cett.) nonnulla etiam apud nostrum exempla inveniuntur: v. 358 vos precor adnuitē, fallacia vota juvate, v. 445 fortior igne fuit, crudelibus usa medelis. v. 468 nonne laborastis, Helenam ne pastor haberet? v. 941 calculus albus erat, habuit quem dextra Minervae, v. 919 si ulciscenda reā genetrix, quid jam pater insons — quod quidem exemplum eo magis est notabile, quod incisio non post *rea* statuenda est, sed hephthemimeris potius post *genetrix*; quod idem accidit versu 306 tanquam legitimus heres Agamemnonis aulae. Ad productionem vero vi positionis factam quod attinet, concessit hanc vim vel mutae cum liquida vocem incohantibus idem noster qui fortasse non concesserit triplici consonantium juncturae, ut dixerit: v. 936. factā tractantur, v. 552 mox Agamemnoniā proles, v. 549 vel vivā tradere flammis\*), v. 109 rēpleverat, v. 113

---

\*) conf. Ausonii „versā Graja manus.“



rēplentur“ — nec refugerit v. 318 „quasi scri-  
nia“\*), licet alio loco consonantium pari se vel ab-  
sente liquida r positionis vim imbecillae non dene-  
gaverit, v. 716 „suppliciā scelerum“, qua in re po-  
tuit ad Ennii „stabilitā scamna“ in thesi sibi conce-  
dentis aliorumque auctoritatem provocare. Quan-  
quam multo gravius, nec scio an multo quoque sae-  
pius quam in brevium productione, peccant poste-  
riorum saeculorum poetae, Juvenum dico, Arato-  
rem, Paulinum utrumque, Sidonium, Fortunatum,  
Prudentium, alios, in correptione longarum vel na-  
tura vel positione syllabarum. In quo ut a levissimis  
ordiar, constat quae in o exeunt nomina vel verba  
mensura jambica jam a priscis auctoribus, quan-  
quam haud frequenter, breviari nec minus raro  
Vergilium Horatiumque hanc sibi licentiam su-  
mere in vocabulis creticam proprie mensuram ex-  
hibentibus, ut dactylica redderent ex. gr. nuntiō,  
dixerō, mentiō (vide Lucianum Muellerum hac de  
re ut de superioribus accuratissime disputantem  
in libro de re metr. poet. Roman. p. 336 seqq.);

---

\*) si utique genuina est lectio, quod valde dubito,  
vide adnot. critic. Ceterum conf. v. 867. ipsē statutus  
ad aras.

primus vero Juvenalis et Seneca, longius progressi, o sexti casus Gerundii pro lubidine vel metri opportunitate in illius anomaliae societatem receperunt. Nec noster hanc repudiavit licentiam, ut qui plerumque non solum in primo nominum casu verborumve prima persona o corripuerit (h. e. quadraginta fere in locis, quum non amplius sexies et in verborum quidem prima persona longam reliquerit — mille dabō pecudes — jubeōque rogōque — sed dubitō — justa petō — aderō tibi) — sed praeter Gerundia *linquendō* (v. 513) *laniandō* (v. 906) admiserit quoque *itō* (v. 666) et *estō* (v. 375). Sed non acquieverunt poetae supra dicti in breviando o finali, sed alia quoque et graviora sibi indulserunt in vocabulorum finibus (ut in his subsistamus), velut dixit Prudentius: sanctum, lector, *percensē* volumen — eademque mensura „extorquē“ „frendē“ versui obtrusit, nec quam adhibuit melam ut metro succurreret, lenis est dicenda, quippe qui „*collucēs*“ formam pro legitimo „*coluces*“ adhibendo metrum quidem servaret, grammatices leges infringeret. Nec aliter statuendum est de nominibus quibusdam in *es* exeuntibus, quae ille metro inserviens in „*is*“ terminari jussit,

qualia sunt: vulpis, torquis, felis, famis, luis, quanquam Corippus servata legitima forma non verebatur „herēs“ metro adaptare scilicet eadem prorsus licentia ille usus qua alii „servitūs“, „poscerēs“, „custodīs“ (secunda Singularis persona verbi custodire), „pervenīs“, quin, Genetivum quartae declinationis, „sexūs“, „domūs“, „spiritūs“ — et haec quidem Sedulius — corripere sunt ausi. Et eo quidem audaciae noster nusquam est progressus praeterquam in nominibus quibusdam propriis, ut constanter „Pyladēs“ ultima brevi metiretur, quod idem Maximus poeta sibi concessit in „Ulixēs“ Sedulius in „Herodēs“, alii aliis in nominibus. Sed de nominibus propriis mox dicam singillatim, nunc ab effrenata aliorum poetarum licentia ita vindico nostrum, ut quod illi Adverbia in *ē* qualia sunt *pie*, *valde*, *fere* itemque in *ā* exeuntia (velut *frustra*, *postea*, *contra*, *supra*) corripuerunt, nusquam sibi licitum esse statnerit. Sed missis vocabulorum finibus videamus de ipsorum corpore atque medullis. Ibi non solum neglecta positione invenimus *opportūnus pārricida* apud Prudentium, *sūpplex* apud Porphyrium, sed vel neclec-

ta diphthongo *mèror quèsumus* apud Flavium Felicem atque Luxorium, qui frustra sibi inde excusationem paratam esse censuerunt quod suo arbitrio diphthongum mutarent in vocalem brevem, nam ita qui metro opitulatur, linguae genium it perditum. Quum vero supra viderimus, o finalem, quae sexto casui inserviret significando quamvis natura longam, tamen inde a Juvenalis tempore corripì, non substituerunt in hac anomalia posteriores; sed licentius grassati vel in medio vocabulo obviam Genetivum plurativum indicantem corripuerunt, velut *calceòrum* Prudentius sibi concessit. Sed in vocum medullis ut pedem sistamus, occurrunt *involàcrum, lavàcrum, vestìgium, spīritus, dēnārios, tībīcinis, jūge, calceāmentum, sacrāmentum, suffrāgium, Vespāsianus, salābris* apud Sedulium, Ausonium, alios. Quibus haud leviora sunt *tenēbamur, ablūtus, elūtā, volitūrus* vel Sedulii *ēnorme, ēnervans*. Quid, quod vel uno in vocabulo dupliciter peccarunt, corripientes quae est longa, brevem producentes; quale est Luxorii: *implerat cuncti viscera nēgōtī* — et Sedulii: *Mādrīānique dei* — Ausonii: *mērdīanus*. Quamquam inest in hac quan-

titatis metathesi quod nescio quomodo linguae indole excusari, certe duplex peccatum levius reddere videtur quovis simplici eorum quæ supra vidimus generum. \*) Vidimus lucusque de vocibus mere latinis. In Graecis quod poetae illi leges prosodiacas saepius migraverunt, ut minime est laudandum, tamen excusatius peccavisse censendi sunt, quandoquidem in similibus, nec apud Romanos solum Graecosve, regnat identidem non lex magis quam arbitrium. Igitur videmus ex. gr. Ausonium *trigōnus*, *solēcismus*, *Cithèron*, *Phœaces*, *psaltèrium*, *diastéma*, *phōnascus* admittere, Sedulium *idōlis*, *idōlio* (quæ frustra Aldus Manutius transponendo ad legis ubique severitatem revocare studuit), *hèresin*, *ërëmus*, *ëthica*, *ënigma*, *mathësis*, *poësis*, *anathëma*, *paracletus*, *polyclëtus*, alios alia. — Jam convertas te ad nostrum: non multa sibi arrogasse cum merito dices. Qui sane iniquius egit, modo dixit, quod legitur v. 68

---

\*) sciunt quid dicam qui Graecorum callent poetarum indolem: *δείομεν* et *δέωμεν*, *ἀπειρέσιος* et *ἀπερείσιος* *ἀκήχεται* et *ἀκάχημαι*, *νηὸς* et *νεὼς*, *ἀκέρητος* et *ἀκήρατος*, *ἀεικέλιος* et *ἀεκήλιος*, similia.

si vīvis et non es sacrata morte dicata  
quod quo modo tolerari posse censeamus praegressu versu 67; ubi legitime dixit

vīvis an effigies et imago volatilis exstas? — ?  
Igitur nisi poetam ab omni humanitate prorsus abhorrentem fingere nobis volumus, corrigendum est confidenterque reponendum (quo duo praeterea soloecismi profligantur, *et non* scilicet atque carēns dativo verbum *dicata es*)

si vīvis neque *dis* sacrata es morte dicata.  
At dixit v. 258 falsa usus quantitate:

si fuerant animi, *jūbilans* jaciebat uterque.  
Neque hoc credo, nec propter poetam magis (qui quidni ex aliorum larga licentiarum messe pauca quaedam sibi delibaverit?) quam propter sensum qui verbum jubilandi respuere videtur. Puto equidem corrigendum esse *uibrans* jaciebat uterque. Vides parcissimum esse, immo prorsus fortasse abstinuisse nostrum a correptione illegitima (nam exempla equidem alia non inveni), nec, nisi fallor, productionis brevium ampliorem sibi usum concessit quam ut v. 52 *thurībula* diceret, v. 660 *muliērem*. Nec mutationis periculum est faciendum. Prior enim quum sic habeat locus

vidit Iphigeniam thuribula sacra ferentem  
possis transponendo sic velle occurrere:

vidit thuribula Iphigeniam sacra ferentem  
quo et *Iphigeniae* suum constaret legitimumque  
metrum quod versu, qualis legitur, violentissime  
noster migravit, et vero etiam *thuribuli* voci.

At vide transpositione quam miserum fractum-  
que, carentem utpote caesura versiculum effi-  
ceres; nec quicquam in nominis proprii mensura,  
qualis nunc est, offensionis. Intactus igitur versus  
est relinquendus. In altero vero versu, 660,

Nec labor ullus erit muliërem sternere turpem  
poteras plus simplici modo labanti prosodiae suc-  
currere, corrigendo ex. gr. *muliebrem* sternere  
*cunnum* sive *meretricem* sterni. turp. — frustra  
utrumque ni fallor. Namque *noverimus* formam  
cum admiserit Prudentius producta in terminatione  
i, et in ipsius vocabuli corpore *redimere*, *rubigine*,  
Boethius *iturus*, Martianus *hābitu*, quid, Ovidius  
*Macēdoniaque sarissa* (in nomine licet proprio)  
cum non veritus sit dicere, equidem non video cur  
*muliërem* nostro abjudicatum eamus.\*) Et in nomi-

\*) Quocirca non debebam fortasse in textu *mu-*  
*lieris* loco sufficere *matronam*, collato versu 769.

nibus quidem propriis — namque ad haec delati sumus — mirum est quantum poetarum chorus qui hic in censum veniunt, sibi libertatis sumpserit. Ovidianum, quod modo vidimus, nolo afferre (quo adde ejusdem poetae *Phylacides*), ne summum metri artificem mali consortii affinem faciam, nec Persius illis accuseri debet propterea quod producta prima dixerit *Polydamas* (ne mihi Polydamas et Troïades Labeonem cett.) itemque Silius Italicus *Polydamanteis* (cujus simillimum est quod Martialis quamvis in appellativo nomine sibi indulsit *polyposus*) — sed audi Sedulium ceterosque Christianorum, *Simonis*, *Darri*, *Socrutes*, *Euripides*, *Asiagēnes*, *Salāmis* metientium, audi Sidonium Apollinarem his versibus plus uno loco peccantem

Quidquid Pythagoras Democritus Heraclitusque  
 Quidquid Anaximenes Euclides Archyta Zenon  
 omniaque pervertentem Venantium Fortunatum ita:  
 Archyta Pythagoras Aratus Cato Plato Chrysippus.

Prorsus eadem noster licentia usus est in nominibus quae sunt *Pylades*, *Iphigenia*, *Aegisthus*, primum ut constanter hac usurparet mensura:



*Pylādēs*, alterum modo hac *Īphīgēnīa* modo hac *Iphīgēnia*, nusquam vero legitima, tertium denique ubique mutata in ē diphthongo diceret *Egistus*, quocum conferenda quae supra citavi minime nomina propria *mēror* et *quēsumus*, Flavii Felicis illud, hoc Luxorii. Ante quos nescio an non minus audacter *Clytemnestrae* nomen Ausonius in *Clytēmestra* breviarit.

Sufficiant quae hucusque disputavi ad nostri auctoris aetatem quantum ejus fieri potest ernendam, quam in universum de indole ex singulis indiciiis conspicienda judicanti vix puto videri saeculi quinti exitu sive initio sexti esse priorem, immo non nemini posteriorem, et haud quidem temere. Nec lubet poeticarum quibus vel pollet noster vel caret virtutum recensum agere, neque enim quicquam inde redundaverit ad quaestionem primariam, quae est de aetate, nec sane operae facturus sim pretium. Unum hoc addo, ἀθροισμοῦ qualia noster exhibuit haud sane vulgaria: v. 557

pectora cor sensus animum praeccordia mentem  
conturbat pietas dolor angor maeror origo  
affectus natura pudor reverentia fama

per freta per campos per silvas flumina montes  
v. 214

finde secure caput cervicem colla cerebrum \*)  
horum igitur dico simillima inveniri apud Sedu-  
lium in Hamartigen. velut:

ira superstitio maeror discordia luxus  
sanguinis atra sitis, vini sitis et sitis auri  
livor adulterium dolus obtrectatio furtum

et:

.....cumque arva polum mare sidera ventos —

Quae vero quantaque in asyndetorum usu et  
ratione non indulserit sibi potius noster quam  
contra omnem et venustatem et traditam consue-  
tudinem peccaverit, verbo indicare malo quam  
plenius persequi; hoc dico, ita rem esse consti-  
tutam, ut vel salvis ceteris omnibus quae ad ra-  
tiones grammaticas metricas prosodiacas perti-  
neant, ex solis asyndetis agnoscas scriptorem a  
vegeta Romanorum re atque lingua longissime  
diutissimeque remotum.

---

\*) conf. praeterea vv. 774 sol pietas elementa  
poli mare flumina tellus.

Gaudia moesta canam detestandosque triumphos,  
 uictoris pro laude necem, festiua cruenta,  
 funeris effatus et lamentabile uotum  
 coniugis Iliacae, non quae iugularat Atridem,  
 aurea regali rutilantia sarta cruore 5  
 et diadema ducis foedatum tabe cerebri,  
 matris in exitium memorem oblitumque parentis  
 impietate pium reprobæ probitatis Orestem,  
 iniustos, sed iure, deos ratione feroci  
 insontemque reum, purgantia templa sororis 10  
 Threïciae, virgo cui dat de clade salutem  
 fraude pia mendax melior germana sacerdos.

Terogo, Melpomene, tragicis descende cothurnis  
 et pede dactylico resonante quiescat iambus.  
 da ualeam memorare nefas laudabile nati 15  
 et purgare foro quem damna[nt in pia facta],  
 quem dolor accendit, pudor excitat, erigit ira,  
 mens labat, adtollunt animi, bonus inpetus urguet,  
 dat furor arma pius, pietas dat noxia ferrum  
 et medicinales nequeunt sanare liquores 20

— — — — —  
 extinctos titulos uictriciaque arma sepulta,  
 criminis ultorem dum criminis occupat auctor  
 et thalamis uindex thalamos rex ante necatur.  
 ante toros iacet ille tori genialis amator,

25 ductorum ductor, regum rex dux Agamemnon  
post dua lustra redux post duraque bella trium-  
phans.

Martia bellipotens referebat classica princeps,  
puppibus Argolicis rex Pergama uicta reportans.  
Iliacasque nurus et Troica germina matrum.

30 diuitias Asiae rex censens corde silenti  
maxima Fulmineo dictabat dona Tonanti,  
optima Iunoni scribebat munera magnae  
atque Minervali dona [ampla] addebat Athanae  
omnibus et superis, Danais quicunque fauebant;  
35 nescius uxoris scelerumque ignarus Egisti  
dona Clytaemnestrae non dignae multa parabat,  
plurima subridens genitor disponit Oresti,  
quae aptabat pietatis amor uel origo parenti,  
non tamen aequa suis meritis animisque futuris  
40 dona uerecundae seruabat pulcra puellae.

interea findebat iter per caerula ponti  
irato tranquilla deo recidentibus Euris;  
candida fluctuagi tendebant carbasa uenti  
quo non cursus erat, sed quo dux inpulit aether;  
45 Taurica perducunt ad litora castra Pelasga.  
inperat indomitus praedam praecire Mycenae,  
ipse secuturus post uota soluta Dianae.  
ingreditur templum supplex, ueneranter adorat  
numina casta deae. dum ferret munus ad aram, —  
50 stamina purpureum pingebant serica uelum,  
pepla coruscabant uariis gemmata lapillis, —  
uidit Iphigeniam thuribula sacra ferentem.

haeret et attonitos oculos in uirgine figit,  
 obstupuit pietas et mens sibi conscia prauī.  
 agmine pro Danaum cultro feriente litatam 55  
 nouerat et similem nasci potuisse putabat.  
 candida uirgo tamen plus iam cognoscere patrem  
 coeperat, officium citius dedit ipsa ministrae  
 istaque continuo summum uas igne repleuit.  
 regia uirgo cito per patria colla pependit, 60  
 oscula pura petens et dans commercia munda;  
 mox imber rigat ora pius nataeque patrique.  
 conticuit genitor, dum uultus gaudia plorant  
 et gemitus crebris singultibus oscula rumpunt;  
 tandem uocis iter pietas reserauit et infit: 65  
 filia, noster amor sed noster nata reatus,  
 uiuis an effigies et imago uolatilis extas?  
 si uiuis neque dis sacrata es morte dicata,  
 gaudeo; da ueniam, si corruis ense deorum,  
 — — — — —

nam uiuam te membra docent tactusque fatentur. 70  
 dic igitur, qua sorte uenis a matre diremta  
 ad delubra deae circumdata tempora uitta  
 et, quod plus miror, nemoralis sacra Dianae?  
 dixerat haec genitor, cui sic est uirgo locuta:  
 cum, pater, Hectoreos peteretis classibus agros, 75  
 fraudis Ulixee formatur epistola mendax,  
 nomina uestra tenens, quasi iusseris ipsa uenirem  
 ocius ad thalamos coniux sponsantis Achillis.  
 credula mater erat, quae me commisit Ulixi,  
 nec uocor ad thalamos sed uictima trador ad aras 80

mitis et ad pia templa deae miserante Diana.  
pro me cerua datur caedenda uicaria uilis.  
sic rapior cultris et seruio thuris alumna.  
casibus auditis doluit gausus Atrides,

85 qui numen uenerans grates agit atque precatur:  
plectrigeri germana dei Letoia Phoebe,  
nomine tu quocunque dea praeclara uocaris,  
numine mox ipso praestas quodcunque rogaris,  
mitior existens, sacrum largita cruorem,

90 luctibus omissis donans lamenta parentum,  
mucro sacerdotum ut feriat ieiunus et expers  
sanguinis humani, contentus sanguine uili,  
tu rapis ex aris animas et morte parata,  
pignora redde precor regi post funera patri.

95 ut prosit demsisse neci, tibi, Delia, supplex  
mille dabo pecudes, ceruos hircosque suesque,  
cornibus armatas lunata fronte iuuenças.  
nil actum Trojae est, si non comitante Mycenae  
uirgine pergo redux plangenti reddere matri;

100 quam putat extinctam uestra pietate redemptam  
sentiat et uertat proprios in gaudia planctus.  
his prebicus commota dea crudescit in iras,  
auertit uultus oculos mentemque rogatam.  
sensit ut armipotens flammari corda Dianae,  
105 terretur retroque pedem cum uoce coercet,  
tristis ad aequoreos celerat uestigia fluctus,  
puppibus inpositus proscindit classibus aequor.

interea dum carpit iter spumantibus undis  
fama Mycenaeas uolitans repleuerat oras

aduenisse ducem ditatum sorte duelli. 110  
nec mora praeda uenit palmatis puppibus omnis,  
occurrunt oculi Danaae de turribus urbis,  
moenia femineis replentur cuncta cateruis.  
captiuos uisura Phryges Agamemnonis uxor  
adfuit, aduentum metuens inpura mariti. 115  
qua uisa cessere loco matresque nurusque,  
constitit inspiciens ut adultera regia coniux,  
publica clam nigris exsecrans gaudia uotis,  
anxia sollicito quatiuntur corda pauore,  
supplicium exspectat scelerum ueniente marito 120  
atque oculos per cuncta iacit stimulante timore,  
et pallor premit ipse genas fervorque recedit,  
atque hymen infelix animo obuersatur adulter.  
ast ubi non uidit descendere puppe tyrannum,  
inpunita putans sua crimina posse manere 125  
gaudet et internae mentis secreta fatetur  
permixtus candore rubor pallore fugato,  
et lasciuia reos pulcrescunt gaudia uultus.  
credidit aequoreas quod rex sit mersus in undas,  
nec uult scire moras, tantum contenta, quod absit, 130  
et celeri cupit ire gradu dictura maritum  
non reducem moecho, sed spes ibi fallitur audax.  
praeterea sors regis erat Cassandra sacerdos,  
inter Dardanias clades Danaumque triumphos  
non habita indigne, licet esset portio praedae. 135  
ipsa Clytaemnestrae sacro correpta furore  
longius acclamat: salue regina Pelasgum,  
ultio Dardanidum, captae solatia Troiae,

- tuque triumphalis domitor bone pastor Egiste,  
140 plumea cui praestant post pelles stramina lectum,  
quem post tecta casae regalis suscipit aula,  
quid dubitatis adhuc uestros releuare timores?  
perdite, ne pereat uestri cito fructus amoris;  
tempus adest et fata iubent et culpa perurguet;  
145 amputet eripiens uictricia colla bipennis:  
uos licet et similis maneat censura malorum,  
sit saltem mora longa reis, dum crescit Orestes.  
uictima carnificis nati post funera patris  
mater eris, tecumque ferox ferietur adulter  
150 Pyladis fodiente manu, mihi credite vati,  
heu, miserum furor alter habet purgandus Orestem.  
dixerat et classem retinent per transtra rudentes.  
prouida terruerant reginam dicta nefandam,  
it pallor super ora redux facinusque parare  
155 disponit sub corde truci, furor urguet amoris,  
sollicitusque timor grassatur mente pauenti.  
moesta domum quasi laeta redit terrente pauore,  
ingrediens thalamos suspiria longa trahebat  
còrde premens gemitus et gaudia uultibus aptans.  
160 quid rumor, quid fama ferat, quid nuntia portent  
auribus adtonitis lasciuus quaerit Egistus.  
quae sexus armata dolis sub fraude latenti  
incipit effari; iuuenis, dic, quid sit agendum.  
occidimus, redit ille meus post bella maritus  
165 uictor et armatus telo mordente, minatus  
moribus Argolicis leges inducere castas,  
tristibus inperiis alieni criminis ultor.



quid faciet pro iure suo? moriemur inulti  
et periet iam noster amor, inactabit utrumque  
fervidus ante diem, solitus punire nocentes, 170  
letifero mucrone ferus; spes nulla salutis  
est, nisi uitalem contemnimus ambo salutem.  
gloria belligeri feriatur et arma tyranni,  
et prior occumbat quam nostros sentiat ignes,  
prospera bellorum quem sic fecere superbum 175  
et Priami fortuna cadens, ut sanguinis iste  
degener humani uilem putet esse cruorem.  
per te casta negor, per te fero damna pudoris,  
nec uolo tam multi sceleris me perdere fructum.  
an uerbis inimica loquens extorpeo factis? 180  
communis nos casus habet uitaeque necisque,  
est nobis commune bonum, commune periculum,  
sors pariter nos una manet, iubeoque rogoque  
pastorem regina monens formidine mortis,  
terrata sollicito miserandi femina sexus. 185  
conueniens tamen hortor opus, dum congrua uitae  
inpero, ne moriar tecum peritura cruenta;  
nam mecum miser ipse cades Agamemnone uiuo,  
inpie, funereis nos casibus eripe sollers.  
semper enim securus erit qui perculit hostem, 190  
nec labor ullus erit uictorem sternere ferro,  
et patet insidiis nullo terrente quietus.  
non est quem metuas, brevis est et paruus Orestes,  
unaque natarum cinis est per templa Dianae,  
altera, sexus iners trepidans miseranda, quid 195  
audet?

- exulat interea Menelaus frater Atrides;  
quicquid ages inpune geris, scelerisque peracti  
sic merces non poena datur, felicior ibis  
atque Agamemnonio regno potieris et aula;  
200 exemplumque recens tibi iam superaddo, Lacaenam  
interfetricem tot regum tot populorum  
uiuere felicem post funera tanta quiete;  
nec metuam Danaos, heredem sterno Thyestis.  
dixerat haec mulier, spes est data maior Egisto.  
205 tramite, dic, quo, pastor ait, geminare ualebo  
hoc tam grande nefas, labor est extinguere regem  
atque triumphantem, quod plus, in principis aula.  
tunc pandens regina uiam scelerata profatur:  
bellorum maculis et crassam sanguine uestem  
210 rex ferus indutus ueniet, mutare necesse est  
indumenta duci, tunicam dabo uertice clauso.  
dum caput indutum cupit exertare tyrannus,  
adgredere praeuentum et atrox uiolentus Atridis  
finde securé caput ceruicem colla cerebrum.  
215 ultima res tantum quae restat sola iuuabit;  
consilio succumbe meo, haec una medela est,  
luctibus iulatis auertere funera nostra.  
dum moror, adueniet nostri modo criminis ultor.  
haec infausta loquens lacrimis simul ora rigabat.  
220 turbidus in ferrum rapitur flammante timore,  
audacem faciebat amor terrorque proteruum  
et mouet armatos ictu quatiente lacertos  
absentemque ferit pavidus quem non uidet hostem.  
sic solèt anguis hians obsessò fonte uenenum

fauce parare necis fatis mortalibus aptum 225  
pectore sublatus lingua uibrante trisulca.

motibus his mulier melius gauisa resumit  
turpiter infames animos, redit illa uoluptas  
inplentem amplecti, per rustica colla pependit  
dulcia lasciuis defigens basia labris. 230

ille uicem reddens dabat oscula crebra per artus.

dum commune nefas aequali mente fruuntur,  
regia puppis adest uariis ornata coronis.  
hinc magis audaces animos de crimine sumunt,  
illa rapit tunicam, pastor rapit inde bipennem, 235  
officio stat quisque suo, celatus adulter  
intra claustra latet, mulier progressa parumper  
morte maritali tunicam subnisa ferebat.

rex rate descendens tacta tellure triumphat,  
bellorum maculis rutilabat, sanguine pulcher, 240  
grandis in aspectu, pugnarum horrore decorus,  
qualis erat referens caelo post bella gigantum  
Iuppiter astriferam stellata fronte coronam  
atque coruscales fundebat uertice flammās.

pignora naturae concurrunt dulcia patri, 245  
itur in amplexus, et reddunt oscula nati.

lumina uoluebat genitor uisura iugalem,  
pergit et ad thalami post publica limina portas,  
in pia quae reducem fallaci uoce salutat:

belliger armipotens, cultus depone minaces 250  
atque habitus dignare pios uix pacis amator.

en tibi uestis adest nostro contexta labore,  
aurea purpureo radiantur fila colore.

- dixit et exutum tutanti tegmine regem  
255 callida funereo perfundit corpus amictu;  
sed capiti dum quaerit iter tunicaeque fenestram,  
illa manum retinens armatum accersit Egistum.  
erigit ille trucem dextra uibrante bipennem  
et ferit incautum caput inpius inpete mortis  
260 ac diademalem frangit cum uertice frontem,  
in partes hinc inde duas, geminantur et ictus,  
terque quaterque ferit, diffundit in ora cerebrum.  
regina laudante manu rex concidit insous,  
saucius et tremulo quatiebat corpore terram.  
265 sic aper implicitus uenantum cassibus ingeus,  
dum cupit exiliens euadere retia toruus,  
concutit ora ferox spumantia dentis adunci  
et perdit uacuos conlisis morsibus ictus;  
sic Asiae domitor consumtus fine cruenta.  
270 heu, pastoralis populavit membra securis.  
aspera sors hominum uel mens ignara futuri.  
credere quis posset, si centum flatibus acta  
Delphica fatidicos quateret cortina recessus,  
antra mouens tripodasque ciens et plectra fatigans,  
275 eversorem Asiae foderet quod cultor agelli,  
aut desector iners ouium pecorumque magister?  
et caret igne rogi dederat qui Pergama flammis?  
discite felices non unquam credere fatis.  
sunt faciles dare summa dei, tamen ante relinquunt  
280 et miseris in fine nocent aut forte repente  
destituunt poenasque petunt de sorte secunda.  
credere qui non uult, Priameia fata reuoluat

atque Agememnoniam uideat male credulus aulam.

clade repentina premitur Pelopeia uirgo,  
sed tamen ultorem patris seruauit Orestem 285  
faucibus eripiens germanum Electra parentis.  
inposuit pupi secumque adduxit Athenis  
et bene sollicitum studiis sapientibus addit,  
quae ratis auexit regem, haec quoque pignora  
regis

spesque Agamemnonias et Troica gazea reportat. 290  
cuius erat nimium fidus Pylades amicus.

iunxerat hos studium sollers et gloria linguae;  
uelle fuit commune uiris et nolle duobus;  
exercebat opus iuuenes si forte palaestrae,  
pacatum luctamen erat; per lustra ferarum 295

uenandum cum erat, socios uenatus habebat;  
cornipedem si quis celerem frenabat habenis,  
hoc imitans faciebat amor; proludere telis  
si fuerant animi, iuuenis iaciebat uterque.  
par uenus inbuerat pueros, si calculus esset. 300<sup>a</sup>

nec uinci quisquam metuens nec uincere feruens. 300<sup>b</sup>  
sic amat atque fouet germanum Castora Pollux  
et paribus notis Pollucem Castor amauit,  
mortibus alternis et uitae damna repensant.

uestibus induitur Tyriis homicida et adulter,  
et poenale caput cingit diadema coruscum. 305

tanquam legitimus heres Agamemnonis aulae  
quem magis heredem conuenerat esse Thyestis,  
intrat et orbatum per singula quaerit Orestem.  
ast ubi res Danaum defossas sentit Egistus,

- 310 Troianas raptaret opes spes una manebat;  
has quoque cognouit regis cum pignore raptas.  
aestuat inpatiens, quod regni nomen inane  
offendit, quod perdit opes, quibus esse tyrannus  
posset et armari ferroque auroque ualeret.
- 315 callida participem sceleris solatur et arte  
fraudis et ancipitem confirmat in arte manere,  
femineas ostentat opes quas sexus habebat  
et diademales profert [blandissima] capsas  
turpibus inducens pretiosa monilia membris.
- 320 his, ait, Argolicos emimus per regna fauores  
muneribus, Iroceresque nouos ueteresque tra-  
hemus  
in nostram transire fidem, nam principis uxor  
cuiuscunque libet, licet extet pulchra pudica,  
censibus his se ornat, nitens placare maritum
- 325 adgreditur, praestructa suae dulcedine linguae,  
diuitiis ornata meis, et dulce uenenum  
auribus adtonitis fundet blandita perite,  
mollibus artifices iungens amplexibus artus,  
et faciet nobis sublimes sexus amicos.
- 330 pulchrum sane aurum, sed femina pulchrior auro,  
auro foeda placent, auro decorantur honesta,  
emollit Cytherea trucem per proelia Martem.  
crede mihi, iuuenis, de sexu femina tracto.  
artibus his sollers animos reparauit amantis,
- 335 et gratis gausus agit muliebribus ausis;  
sordida mens regnare cupit, dux sceptrum tenere.  
extinctum sub fraude ducem nil tale timentem

coniugis insidiis, ausu pastoris iniqui

— — — — —  
et tacito sub corde premunt. de principe ciues  
murmure sollicito flentes haec dicta loquuntur: 340  
in pia si Lachesis Parcarum lege bipennis  
censuerat regem tam turpi morte perire,  
illum bellatrix utinam strauisset Amazon  
Penthesilea fremens, quam uix euasit Achilles,  
et non infami prostratus morte perisset 345  
crimine cum gentis Danaum, cum clade suorum,  
nec pede tractus humi iacuisset ab arce remotus,  
— — — — —

cuius honore carens tumultatur nocte cadauer.

dic mihi, Musa, precor, qua re materna nouerca  
quaerere neglexit pueros et tradere captos 350  
patris in occasu? Dorylas libertus Atridis  
et pueri nutritor erat fugientis Orestis;  
consilium mendax sollerti pectore sumsit  
fingere, quod pelagus rapidum demersit Atridas  
fluctibus aequoreis, qui stans in litore dixit: 355  
di maris et terrae, pietas et origo bonorum,  
naturae caelestis amor, mendacibus ausis  
uos precor adnuite, fallacia uota iuuate,  
credar et aduertar mendax adsertor Orestis.  
tollere nam insontes cupio de sorte paterna, 360  
quam mater plectenda parat uel uitricus hostis!

dixit et undiuagis uestitus fluctibus intrat  
in mare caeruleum, tumide spumantibus undis  
mersus ad usque caput, tunc litora sicca petiuit,

- 365 turbidus haec plangens funesta, adcurrit ad urbem  
et querula sic uoce boat: pro Iuppiter, hostes  
sic placet ulcisci Troes, sic perdere Graios?  
pro Phrygibus pelagus saeuit, mare uindice Troiae;  
quod pueri gessere nefas, quid mollior aetas  
370 gessit in Iliacis bellorum tempore campis?  
nec fuga sit miseris oblata per aequora uectis?  
uidi ego mergentem fluctu sorbente carinam,  
in qua uectus eram comes et nutritor Atridum,  
de qua solus inops euasi remige planta.  
375 Esto Clytaemnestra inmitis, crudelis Egistus,  
saeuior unda maris, quae nec post bella pepercit  
pignoribus Danaum, felix iam Troia uocanda.  
dixerat haec ubi uoce pia, raptatus ad aulam  
muneribus cumidatur opum, quod gaudia ferret  
380 mentibus incestis; nam innox regina proterua  
inperat acciri populos. uenere coacti,  
aedibus in mediis quae sic exorsa profatur:  
eximii proceres Danaum populique pusilli,  
quos Agamemnonii per ferrea lustra triumphii  
385 non mersere neci, sed adhuc superatis inanes  
uisceribus uacuis, exhausti sanguine fuso,  
quod uos sic minuit saeuis Bellona duellis,  
regis culpa fuit, qui exhausit ciuibus urbem,  
tot nisus uiduare nurus, orbare parentes  
390 et natos spoliare rudes pietate paterna.  
inde ferox percussus obit sub morte securis,  
cui sua conticuit proles modo uindice fluctu.  
spondeo iam requiem placidam, sperate quietem,



otia pacis erunt, nullum nocturna cubantem  
classica sollicitent, nullas tuba uerberet aures, 395  
temporibus licitis blandos decerpite somnos.  
aspera tela uacent, curuentur falcibus enses,  
ossibus a uestris deflexis cornibus arcus  
ad solas aptate feras celeresque uolucres,  
deliciis epulisque bonis refouete senectam, 400  
pignora natorum dulces nutrite nepotes.  
unica mors restat morbis finire salutem;  
tramite naturae finem labentibus annis  
iam sperare licet, non propter uulnera ferri  
corporis exitium, fas est sperare sepulchra 405  
ordine legitimo, flammis sperare rogales,  
et tumultum sibi quisque paret post busta perennem.  
germinis ille sui crudelis et inpius hostis  
rex Agamemnon erat, patriae dominator amarus,  
cuius Egistus erit me perficiente maritum. 410

dixerat et cunctos discedere iussit ab aula.  
ac domibus remeare suis, sed uilis adulter  
nescius atque rudis regnorum frena tenere  
ipse sibi genium fastu facit, ore minaci.  
asper erat famulis regalibus aduena, seruis 415  
inperium non mite dabat, quibus ipse profecto  
si famularetur, crimen sibi turpe putaret  
sceptrum triumphorum data de pastore tyranno,  
pro pretio scelerum, mercedem sanguinis ostrum.  
matronale nefas, uxorem dedecus aulae, 420  
quis, rogo, non gerneret? tamen hos formido  
iubebat

infami parere throno, timuere subulcū  
acrius, Hectorios qui non timuere furores.

\*(ius Agamemnonium luerat post Pergama capta  
425 uerbero plectibilis, comes armipotentis Achillis.)\*

occidit regem Tomyris, regina Scytharum,  
sed nil turpe gerens uindex fuit illa suorum;  
si fecit Medea nefas, flammata dolore  
dulcis amoris erat, cum regia tecta cremaret

430 inmemori uiduata uiro de pellice Glauce;  
inpia Lemniades sumserunt arma puellae  
atque maritali foedarunt sanguine lectos,  
sed Veneris furor acē erat, facinusque nefandum  
quod Scythicae gessere nurus in crimine tanto,  
435 barbara turba fuit, at tu, regina Pelasgum,  
Graecia quam genuit, legum secunda creatrix,  
clara Mycenaei coniux et uindicis uxor  
crimen adulterii cumulasti caede mariti.

Alcestis meminisse iuuat, quae morte maritum  
440 manibus eripuit, pia coniugis, inpia de se.  
quid loquar Euadnen Thebanis ignibus ustam  
et post fata uiri flamma crepitante fidelem  
inpia quam pietas, affectus dulcis amaram  
iussit habere necem, quae contra uulnera luctus

445 fortior igne fuit, crudelibus usa medelis  
et simul ad manes cum puluere coniugis iuit?  
pertulit urna duos, funus quos iunxit amantes,  
coniugium felix, exemplum grande pudoris!  
inpia sacrilego nupsit post fata marito,

450 pronuba flamma fuit, thalami rogos et pyra lectus.

quid sit honestus amor, multae docuere puellae.

dum regnaret iners Parcarum crimine pastor

et simul inlicito sese fruerentur amore

annorum septem spatiis et mensibus octo,

ibat alumna manus tumulis regalibus omnis 455

noctibus in mediis flens haec per tempora regem.

anxia quae gemitu et querulis ululatibus usa

temperie moderante tremit terrente pauore.

tunc ibi libertus sollers nutritor Orestis

euomit in gemitus uoces et uerba doloris: 460

optime rex quondam, sed nunc miserabilis umbra,

prosperitas cui sacua fuit, uictoria crimen

intulit, et mortem peperit post bella triumphus,

cuius adoratus constat per templa precantis

iratos audisse deos, placata negabant 465

numina prouentus: Danaos si uincere rectum est,

si gremio Paridis recubans erepta Lacaena,

nonne laborastis Helenam ne pastor haberet?

ecce, - tuam nunc pastor habet. si transitus est

mors,

si sensus post fata manent, post membra soluta 470

si remanent animae, si stat post fata superstes

spiritus, exaudi lacrimas luctusque tuorum,

rumpe solum, findatur humus telluris hiatu,

nisus et armatus subito furialibus umbris

surge, uelut quondam tumulo surrexit Achilles, 475

exige supplicium de coniuge, soluat adulter

tot poenas, quot membra gerit, morieris inultus

et pastor tua regna tenet. post busta seuerè

- exegit mortem de uirgine Thessalus heros.  
480 moribus innocuis tu dux inpune relinques  
tot scelerum auctores uictricia regna tenere,  
di, regitis quicumque chaos crudele barathri,  
rumpite tartareas proscisso gutture fauces,  
mittite uirgineas funesta in tecta cerastas,  
485 ne dubitate, truces uenient ad regna Thyestis,  
notum iter inuenient, sua per uestigia current.  
non estis Furiae, si quaeritis ante rogari,  
ad quodcunque nefas, vestra nisi sponte uenitis.  
sed dubito quia iusta petens, tamen oro cruenta.  
490 spes mihi maior adest, Thebis uicina petuntur  
moenia tartareis quondam sacrata tenebris  
et claro priuata die sub luce diurna;  
ergo precor, cum iusta truces sententia mortis  
participes scelerum percusserit ense seuro,  
495 uos Acherouteis tortoribus addite flammās  
et Furiis augete malum immortale perenne,  
torqueat auctores scelerum crudelis Enyo;  
non sat erunt quaecunque reis tormenta paratis.  
dixit et ex imo genuit uox missa sepulchro:  
400 parcite funesto mentem uexare dolore,  
inque piis onerare malis, releuare sepulchrum  
debuerat famularis amor, quem pessima coniux  
criminibus succensa suis et amore pudendo  
uel fama prostante sua muliebribus armis  
505 extinxit, cui uictor eram regressus ab hoste  
retro decennalis fraternique ultor amoris,  
ultor adulterii, quem fudit adultera coniux,

nec timuit foedare domum, maculare penates  
 inpete mortifero subita tunc fraude profana.  
 at nec inultus ero, ueniet his poena cruenta. 510  
 sed ne plura loquar, uera est Cassandra locuta,  
 credite Cassandrae, uerax Cassandra sacerdos.

dixit et abscedunt omnes linquendo sepulchrum.  
 illa nocte tamen uolitans Agamemnonis umbra  
 uenit Athenaeis mox sedibus — altus Orestes 515  
 illic quippe fuit, cum quo Pylades amicus —  
 flatibus alternis perflans commercia somni;  
 lassus uterque fuit, concussus amore palaestrae,  
 et stetit ante toros ambobus uisus Atrides  
 in somnis, non qualis erat post bella triumphans, 520  
 sed qualis cecidit percussa fronte bipenni,  
 tristis iners tremulus gemitu suspiria rumpens  
 pallida puniceo perfusus et ora cruore  
 et tremulas languore manus ceruice uaganti  
 ac pede uincla trahens, quibus est abstractus ab 525  
 aula:

non pudet, o iuuenes, dixit, pubentibus annis  
 uestitos jam flore genas lanugine crispa,  
 grandibus instructos studiis et fortibus armis,  
 ut pastor mea regna notet? prostratus in arce  
 sanguinea mercede luat sub crimine multo 530  
 laetus et indomitus tumida ceruice supinus.  
 audiat infamis, uos non, ut fama, perisse,  
 si peto Cecropidas uindictam sospite nato,  
 incolumi Pylade suo. Patroclus Achillem  
 Thesea Pirithous non sic expertus amauit. 535

- armati gladios in bella domestica ferte  
atque adfine nefas cognato abstergite ferro.  
nullum crimen erit matrem punisse nocentem,  
morte maritali sceleratam iure necabis,  
540 natus amore pio flammatus morte paterna,  
uindicet ut patrem qui matrem strauerit ictam  
crimina purgabit matris de tempore prisco.  
nam patrem docet esse suum, quem uindicat armis  
dignus adulterii uindex, pius ultor et heres  
545 noster, amor Danaum, sunt odia saeua deorum.  
ite pares animis, uobiscum uernula turba  
saeuiet, irati potius quod tardius itis.  
ore fremunt famuli, qui carpere dentibus optant  
corpus Egisteum, uel uiua tradere flammis  
550 coniugis infandae crudelia membra cremanda.  
dixerat haec, gemitus somni rupere quietem.  
mox Agamemnonia proles instructa sodali  
dum narrare parat, sua somnia noscit ab ipso,  
ac stupet adtonitus, quae tanta potentia patris,  
555 tempore sidereo mentes mouisse duorum.  
dic mihi, frater, ait, dic iam modo, quid sit  
agendum,  
pectora cor sensus animum praecordia mentem  
conturbat pietas dolor augor moeror origo  
affectus natura pudor reuerentia fama,  
560 transigo funereum materna in uiscera ferrum,  
uiscera, lucis iter uel magni ianua mundi.  
quae perpendo diu uix primo mense peracto  
conceptus portasse meos stimulante dolore,

semina naturae, blandae primordia uitae.  
 ast ubi sortitus nascendi iura peregi 565  
 flumine pectoreo dedit ubera lactea labris  
 dulcia nectarei fundentia mella saporis;  
 fit nutrix, quae mater erat, regina ministra,  
 exhibet affectus patrios ignara soporis.  
 haec pater, haec mihi mater erat pugnante pa- 570  
 rente,

donec ab undecimis aetas me educeret annis.  
 inmemor existam tantorum in matre bonorum,  
 an pater extinctus per me remanebit inultus?  
 facta luat pastor, solusque superstitute matre  
 corruat et patrios manes satiato cruore, 575  
 poena sit haec matri ut prostrato uiuat Egisto  
 ante oculos recidente suos, muliercula tristis  
 aspiciat moechum, quae gaudens uidit Atridem.

dixerat haec dubius, sed non cunctatur amicus,  
 dentibus infrendens suspiria traxit ab imo 580  
 pectore longa ferox et sic aggressus Orestem  
 increpitat: si sensus iners tua corda tepescit,  
 ut facienda putes, quae nec dicenda fuissent —  
 dicere grandenefas, scelus est audire nefandum —  
 imus ad Argolicas ueniam donare Mycenae 585  
 criminibus matris. magis est quae dignior hora  
 ad scelus indignum? ceruix ferienda duorum.  
 quaeso caue iuuenis Danaum aspera dicta dolen-  
 tum,

ne, iugulatricem patris dum uiuere censes,  
 credaris non esse suus. non iure parentis 590



- umbra, soporatum quae te conuenit Athenis,  
occurreret per mille uias, per limina portae?  
obsidet tremulis te uocibus oestra lacesseus:  
inmeritum sic nate paras defendere patrem,  
595 sic decet extincti, genitoris fata dolere,  
sic dabis inferias nostris tu manibus ultor?  
uitricus optabit tali se morte perire,  
ut sit quam post membra rei crudelibus umbris  
ingerat inferias animam parcentis Orestis;  
600 uictima seruaris, fuerit nisi uictima mater.  
quid facias genitore tuo tam moesta loquente?  
parcitur infaustis, pius es pietate repulsa.  
ad tumulum patris fundantur membra reorum;  
surge iuuentutis melior spes, consule regno,  
605 excitet ingenium uirtus et gloria mentem,  
armentur pietate manus, crudelior ensis  
truncet in extremo gemitu fera colla duorum.  
ibo libens comes ipse tuus per tela, per ignes,  
nec metuam quenquam, nostri sunt patris alumni,  
610 sed dabo consilium sollers nec inane salubre:  
explorator eam, tacitaque hos uoce monebo,  
aduentus sperare tuos, quae turba ministra,  
credula dum fuerit, nobis mox corde fauebunt  
ac pro te rapiunt gladios; sic tutius itur.  
615 talibus adloquiis accensus felle doloris  
erigitur iuuenile fremens mortemque minatus,  
dentibus inlisis frendebat murmurme morsus,  
et quasi aduterium caperet pastoris Egisti,  
matris in amplexus infamia membra ligantis.



perculit absēptes nullo moriente reorum: 620  
qualiter infremuit post somnia Pyrrhus Achillis,  
quae sensus monuere suos, cum nocte sopora  
Aeacides stimulans duci deposceret heros  
uirginis inferias in Pergama saeuior umbra,  
ergo ubi consilium placuit Pyladis Oresti, 625  
mentibus armantur, solis mucronibus usi  
callibus occultis, qua semita ducit euntes,  
ibant obscuri quaerentes ausa laterc,  
donec in infames iugulos uindicta ueniret.  
sic Diomedeos gressus comitatus Vlixes 630  
Dardana nocturnus peteret cum castra uiator,  
sollicitum carpebat iter, non indice cornu,  
non hic bellisonis quatiens clangoribus auras,  
sed pede suspenso tacitus sine flatibus oris  
ibat ab Argolicis progressus puppibus audax 635  
fortior Oenides, sollers Laertius heros:  
sic tacite iuuenes ambo petiere Mycenae.  
qui dum iter inceptum peragunt, nutritor Orestis  
apparet Dorylas subito trepidantibus illis:  
unde uenitis, ait, iuuenes, quique estis, amici, 640  
quouē tenetis iter? qui nullis uocibus usi  
dum transire parant, Dorylas cognouit Orestem,  
cuius in amplexum per dulcia colla ruebat,  
uiuis alumne? sonans, quia uiuis, uiuimus omnes,  
cessimus insidiis, dum luxuriatur adulter, 645  
deliciis fruitur, polluta matre potitus.  
templa triumphantum, regalia tecta potentum,  
et delubra deum uel puluinaria regum

- crimine prostituens gaudet fecisse lûpanar.  
650 nos tamen ad tumulum magni genitoris euntes  
plangimus adsidue cuius promissa tenemus,  
quamuis Cassandrae fuerint responsa priora.  
quod superest, cita poena reis, properate, sodales,  
indole Cecropia, uobis diuina fouebunt,  
655 regales famuli scelus hoc punire precantur.  
ne dubitate, uiri, uestras accendere mentes  
et capulis armare manus et stringere ferrum.  
hunc stimulet pietatis amor, te foedus amici,  
hinc dolor exurgat, hinc famae pulchra cupido.  
660 nec labor ullus erit matronam sternere turpem;  
rustica praeterea quae sit mora frangere membra?  
dixerat haec senior, spes haec accendit amicos  
accelerare gradus: prope iam non esse Mycenae  
quisque dolet iuuenum. pergamus, dixit Orestes,  
665 adceleremus iter, subicit Pylades et inquit:  
ito prior senior, nos festinare necesse est,  
audiat haec seruilis amor secretus in aurem  
et subito speret nos quarta luce uenire.  
dixit et abscedens senior praecessit ad urbem,  
670 gaudia dant gressus celeres, quos denegat aetas;  
iamque iter emensus fessus peruenit ad arces,  
indicat occulte paucis, quia uiuit Orestes  
et uenturus erit uindex sub luce futura  
sanguinis auctoris, monitis urgentibus omnes,  
675 ut taceant furtimque ferant cuicumque ministro.  
cunctis nosse licet, solis nescire negatur  
complicibus scelerum, ne se subducere possint,

aut armis conferre manum, defendere uitam.  
aduentum ad domini retinet pars uernula portus,  
altera pars aedes, pars obsidet altera muros. 680

reddidit interea rutilum post astra refundens  
depositum natura diem stridentibus undis,  
sol micat et melior compensat damna Thyestis.  
uiderat Atrides muros, quos liquerat infans,  
et memor illorum dextram cum uoce tetendit: 685  
salue, prisca domus, patriae saluete Mycenae,  
execranda prius, sed post ueneranda manebis,  
sanguine si matris cineres satiabo paternos.  
sentiet umbra potens ultam se uiudice nato,  
quando Clytaemnestram percussam uulneris ictu 690  
uiderit uxorem uelut auguris Amphiarai.

dixerat et trepidus muros circuminspicit hospes,  
qua meminit carpebat iter comitatus amico.  
postquam introgressum cognoscit turba ministra,  
os Agamemnonium gressus oculosque minaces, 695  
planctu gaudentesque fremunt sine uocibus oris.  
iam portae claudantur, ait Pylades Oresti.  
claustra ligant aditus, crepuerunt classica mortis.  
securi stupuere rei, terretur Egistus:  
non ego promisi Danaïs per saecula quietem, 700  
nullus at Argolicis moueat qui bella remansit  
Hectore consumto, Troia pereunte sub armis.  
dicebat regina furens irata ministris:  
uindico si uiuam mecumque senescet Egistus.

talia dum loquitur, quasi uindex saeua minatur, 705  
una puellarum male concita currit anhelans:

uenit Orestes, ait, sed statim credita non est.  
dum dubitant somnumque putant et uana locutam,  
apparet uiolentus atrox Pylades in aula,

- 710 qualis in hoste fuit trux inreuocabilis Ajax,  
Hectora cum peteret clipeo septemplice tectus;  
ore fremens et fronte minax mucrone coruscus  
intonat auctores scelerum: crudelibus ausis  
regnastis nunc usque truces, euadere iustas  
715 sperastis uos posse manus, modo saeua luetis  
supplicia scelerum non una morte peremti.

dixit et ad famulos ultricia uerba retorsit:  
praecipitate nefas solio de principis ictum  
et pede tractus eat fera uictima regis Atridis.

- 720 carnifices frangant spurcissima membra secures,  
et pereat pastor qua regem morte peremit,  
ante tamen nostram perfundat sanguine dextram.  
dixit et exertum costis inmerserat ensem;  
saucia membra trahunt famuli pede uincla ligantes,  
725 postque fores portae, quibus est prostratus Atrides,  
ossibus effractis minuunt per mille secures,  
et male partitus per uulnera palpitat artus.  
at genetrix dilata putat sibi parcere natum,  
et secura sui iam pro pastore dolebat,  
730 cum subito truculentus adest inmanior hoste  
matris in exitium famulorum nisus Orestes  
agmine terribilis, qui captam crine trahebat  
increpitans: inpune tuum post funera patris  
sperasti regnare nefas, tumuloque parentis  
735 iungere natorum uoluisti fata duorum?

uiuo, uides scelerata parens, moriere cruenta  
et manibus iugulata meis super ossa mariti.  
conturbata parens nudis exerta papillis  
orabat natum: per te haec, precor, ubera parce,  
per superos patremque tuum, per cara sororis 740  
pectora, quae e nostro te tunc rapuerè furore,  
et per Pyladem, quod plus est, testor amicum,  
da ueniam, miserere, precor, miserere parentis.  
si dici sum digna parens. Tum natus: inanes  
perdis, ait, lacrimas, genitor te expectat ad umbras, 745  
Ilias ingemuit domini Cassandra ruinam,  
nec fert Andromache famulans post Hectora  
Pyrrhum,

cum regina Phrygum fieret captiua Pelasgum.  
praelato pastore ducis tu colla cruentas.  
haec mihi Pylades meus inperat et soror arguet, 750  
ut iaceas mucrone meo truculenta uirago.  
ast ubi nil potuit mulier de prole mereri,  
mox redeunt animo Phrygiae praesagia uatis.  
si placet ulcisci genitorem, dixit, in ambos,  
Pyladis me dextra necet, necet ensis, et idem 755  
sit scelerum uindex et nostri criminis ultor,  
et super ossa ruam recidens spirantis Egisti.  
mixtus uterque cruor testabitur omnibus umbris  
consortes scelerum, quos sors manet una malorum.  
quod super ossa rogas moechi moribunda iacere, 760  
natus ait, melius recides super ossa mariti,  
nec cruor amborum miscebitur ense minaci.  
criminibus ne fructus eat morientis amoris

aut operae pretium capiat sorte malorum,  
765 supplicio sociante nefas, discreta iacebis.

dixit et ad patris ueniens dat uerba sepulcrum:  
sancte parens, quia sensus iners et spiritus extas,  
accipito inferias, quas offero, uictima iusta est,  
macto Clytaemnestram matronam regis Egisti  
770 atque utinam non ante tuam. solatia nosce,  
nam iacet ille loco, quo tu percussus obisti.  
aetatis mora iusta fuit; quod tardius hoc fit,  
olim uelle fuit. subicit Danaeia mater:

sol pietas elementa poli mare flumina tellus  
775 et rerum natura parens tuque atra uorago,  
haec spectate, trucem et natum prohibete, parenti  
qua genitus fuerit, mercedem hanc reddere lactis.

dixerat haec genetrix, surdis tamen auribus  
inquit

quod potuit pietas; uultus auertit Orestes.

780 sol negat almus equos iterum de more Mycenis,  
atque tenebroso subtextitur aëre caelum,  
et non legitimam timuit mox Graecia noctem,  
extimuit natura chaos, elementa tenebras;  
laudat Enyo nefas, dextram culpabat Erinnyis.

785 pallia purpurea praestricto dente momordit,  
concidit et tunicam manibus tendebat ad imos  
usque pedes metuens, ne mortua nuda iaceret.  
moesta uerecundo uoluebat lumina uisu,  
uix semel infelix extrema in morte pudica,  
790 quod non ante fuit, metuens in funere famam.  
candida puniceo rutilantur membra cruore,

pondere corporeo pressas quatiebat arenas,  
 tandem iussa mori ultam cum sanguine fudit.  
 tunc repetunt pariter regalia limina torui.  
 sic duo terribiles fulua ceruice leones 795  
 caede iuuenearum satiati lustra reposcunt.  
 regia sanguineos suscepit aula sodales.  
 conueniunt Danaï, regis sub honore salutant,  
 pars dolet Atriden, et pars dolet altera matrem,  
 nemo tamen facinus uerbis culpabat apertis, 800  
 nec fuerat quisquam qui non damnaret Egistum.

transierat funesta dies, sol merserat undis  
 Oceano stridente rotas, redeunte sorore;  
 roscida somnigerum reuocabat plena soporem.  
 tempus adhuc medium uoluebant sidera noctis; 805  
 nuncius Hermione uenit de uirgine rapta  
 stirpis Achilleae Pyrrho praedante rapina.  
 mox furit Atrides, qui sic exorsus amico:  
 nos alius uocat, ecce, labor, raptatur adulta  
 sponsa toris promissa meis, tu regna gubernas, 810  
 dum teneram eripiam clamantem nomen Orestis.  
 ibo ego per gladios flammās et mille cohortes;  
 non decet ultorem patris sibi quippe timere.

dixit et accinctus capulo prorupit in hostem.  
 repperit Aeacidem subeuntem templa deorum, 815  
 aggreditur iuuenem securum, obtruncat ad aram  
 et redit ad Danaos elatus caede secunda.

dum solio fruitur patrio diademate pulcher,  
 astitit ante oculos genetrix sua non ut inermis,  
 sed faculis armata rogi, subcincta cerastis. 820

- ignibus admotis resolutos crinibus angues  
ingerit in faciem iuuenis, mortale minatur.  
terruerant haec monstra uirum, fugit atria lustrans,  
sed sequitur metuenda parens, petit ille recessus  
825 per secreta domus, illic magis inuenit hostem.  
obice postposito mox ianua clauditur omnis,  
repperit interius matrem in penetralibus aulae.  
infremuit, conata loqui: crudelior, inquit,  
inpie, non sat erat pietatis uulnus acerbum,  
830 ni scelerata manus macularet sacra deorum?  
claude adamantneas ferrato cardine portas,  
obstrue per calcem si sunt tibi mille fenestrae,  
omnibus ipsa locis adero tibi saeuior umbra,  
per freta per campos per siluas flumina montes.  
835 dixit et igne rogi crepitanti pectora turbat;  
ast ubi perniciem non est fas uincere matris,  
it manus ad capulum et crebris ictibus auras  
diuidit et uacuum reuocat sine uulnere dextram  
ac miser increpitat: meus est hic mucro cruentus,  
840 quo meretrix percussa iaces, feriere secundo.  
dixit, et agnoscens gladium grauis umbra fugatur  
aëra per tenerum, tamen, heu! remanente furore.  
perfurit Inachus uiudex Agamemnonis heres,  
ut furit ex Baccho male sobrius ille Lycurgus,  
845 ut furit Alcides saeua terrente Megaera,  
ut quondam furuit Danaum fortissimus Ajax.  
infremuit, inpatiens tota discurrit in aula,  
qui famulos matrem, matrem putat esse sodales.  
mater erat quicumque fuit, uicinus ubique



aspis et ignis erat, fugit hos, simul adpetit illos, 850  
Pyladis tamen haud facies terrebat amicum.  
inter delicias epulis regalibus aptas  
esurit et facibus prohibetur tangere mensas.  
sic interna fame nimium torquentur inani.  
prandia conspiciens dapibus conferta potentum 855  
ingemit, ac nullus cibus est, sed imago ciborum,  
quos nec ut adtingat furia accumbente uetatur.  
quid faciat? quos ille deos, quae numina poscens  
eliciat supplex? an Tartara regna fatiget?

dum desilent omnes et tota plangitur aula, 860  
alter adest gemitus, tristis dolor et metus ingens.  
uenerat Andromachae soboles Pyrrhique Molossus  
ultorem genitoris agens. Pylades Orestem  
tollit et externas subtractum mittit ad oras.  
litore constiterant, fuerant ubi templa Dianae, 865  
mos ubi saeuus erat: miser aduena uictima ferri  
ducitur arreptus; mox ipse statutus ad aras  
uidit ut, armatur quod ferro more sacerdos,  
expulsus terrore furor, mors proxima mentem  
reddidit et partem tribuere aduersa salutis, 870  
nam miser ingeminans Agamemnona saepe uocauit.  
audierat sollers Iphigenia nomen Atridis:  
hostia dic, quis eras, aut cur Agamemnona clamas?  
saucius ille refert: ego sum miserandus Orestes  
matre Clytaemnestra genitus, regnator Atrides 875  
noster erat genitor. non ultra passa loquentem  
proiecit cultrum percussa fronte sacerdos:  
soluite carnifices trepidantia membra ligati,

- sanguine corda uacant, non est haec hostia grata.  
880 dixit ex exutum uittis submouit ab ara,  
omnibus exclusis non se negat esse sororem.  
sed uidet interdum uitiata mente furem  
nil sano sermone loqui, quem nocte precatu  
purgat et ablata migrat cum fratre Diana.  
885 ut patriam rediere suam, mox fama Molossum  
instruit, accusat gemino de crimine Orestem.  
legibus exhibitum mediis induxit Athenis.  
consedere patres templum praebente Minerua.  
surgit Achilles stimulatus amore paterno.  
890 sic exorsus ait : proceres, legalis origo  
arguo mortiferum sceleratae mentis Orestem,  
sanguinis oblitum, humani iuris egenum,  
sacrilegum superum, perfusum sanguine matris,  
quae dextra truncata sua est; sed et altera fors  
895 mater erat, Pyrrhus numquid fuit alter Egistus?  
quem necat in templo caelestia dona ferentem  
euersorem Asiae, natum armipotentis Achillis.  
forte refert: quia mater erat scelerata, profana,  
crimen adulterii cumulat quae morte mariti,  
900 percutienda fuit. rea maxima iudice iusto,  
non tamen ense suo. quid iam peccasse pudebit,  
cui prius est in matre nefas? censete seuera,  
Cecropidae proceres, decet ultio talis Athenas,  
cuius in exitium sat erit non culleus unus.  
905 talibus hic opus est: aequentur uulnera membris,  
tempore sit modico uiuax laniando cadauer.  
haec ait et tacuit, cui sic respondit Orestes:

summates Danaum, sapientes lumine cordis,  
culmen Athenaeum, censores iuris honesti,  
gaudeo securus quod apud uos causa mouetur, 910  
sunt quibus uxores, quibus est affectus amandi,  
et meminisse reor primaevi temporis annos  
quid sit amor sponsae, thalami quae uota futuri.  
dis superis grates, quod post tot funera mentis  
arguor adsistens inter subsellia sospes. 915  
incolumis ueneror sanctum per iura tribunal,  
a licito discerno nefas. tractate, uerendi.  
iustior inuenior, dum matrem uindicat ultor.  
si ulciscenda rea genetrix, quid iam pater insons?  
non de lite mea sententia uestra ferenda est, 920  
sed de iure deum, qui me purgasse probantur,  
dum medicinalem tribuunt per corda salutem.  
nemo poli seruare deum, puto, uellet iniquum.  
quis, rogo, sacrilegus, quis demens audeat almos  
accusare deos, quibus est perfecta potestas? 925  
scilicet accuset, uocet in certamina diuos,  
quin, faciat facinus, praesumat bella gigantum.  
forsitan obiciat, fuerint cur ergo furores?  
cura doloris erat, proceres, non poena reatus;  
taedia sollicitant animos mentemque fatigant. 930  
Pyrrhus erat raptor, uindex paro bella rapinae.  
arguit unus iners, quem conprobat ordo deorum.  
quaeso, duces legum, sententia uestra resoluat  
purgatum sub iure deum, sub sorte benigna.  
dixit et inposuit moderata silentia linguae. 935  
consilium petitur, facta tractantur Orestis.

mos erat arbitrii, quo dispar calculus iret.  
albus adest uitae, nam mortem russeus arguet.  
iudicii certamen erat, sententia duplex

- 940 disseparat, numerus par est utriusque coloris.  
calculus albus erat habuit quem dextra Mineruae,  
is datur ad uitae numerum, purgandus Orestes  
dicitur, et procerum talis sententia perstat.

- si decreta deum homini tractare liceret,  
945 posset Orestis opus legali tramite quaeri,  
sed quia praescriptum facinus, clementia caeli  
nec sinit anquiri, iuris censura quiescat.  
quis temerator erit caelestia iura mouere?  
non erat in punis Paris arbiter ille dearum,  
950 non praestatus erat iudex inpune Tonanti.  
raptor obit Pyrrhus iusto mucrone peremptus.  
quod per templa ruit, fuit et perfecta potestas,  
si uellent punire, deis, sed purus Orestes,  
fitque redux patriae nullo damnante reatu.

- 955 actum erat, excipiunt populi clamore fauentes,  
suscipit egressum Pylades laetus amicum,  
amplexumque tenent laeua dextraque sorores,  
quatuor et reduces laeti petiere Mycenae,  
regia diuitiis replentur tecta relatis.

- 960 Di quibus imperio est facilis concessa Tonantis  
aëris et pelagi terrae caelique potestas,  
uos pietas miseranda rogat, uos mitis honestas,  
uos bona simplicitas, affectus sanguinis orat,  
uos genus humanum, consortia sancta cruoris,  
965 stemmata uos generis, cognatio cuncta precatur;

crimina Lemniadum sat erant, Danaeia facta,  
quae thalamos fecere rogos, et facta Thyestis  
innumeraque nefas, quod sit narrare pudoris.  
ecce Mycenaea triplex iam scena profanat .  
Graiugenum famam; uestro iam parcite mundo 970  
atque usum scelerum miseris arcete Pelasgis.

## ADNOTATIO.\*

A = Ambrosianus.  
br = Bernensis.  
Mr = Muellerus.

*Incipit orestis tragoedia, br. Horestis fabula ab enoch asculano reperta incipit. A.*


2 *festiua cruenta.* — 3 *funeris affectus* Mr. sec. codd. — 4. *namquae iugularret* br. *nonquae iugularat* A. — 5 *regali* br. — 6 *cerebrum* br. — 8 *prebe probitatis* br. *horestem* A. *oresten* br. — 9 *feroci* br. *moueri* A. sed in margine adscriptum: *alias: feroci.* — 10 *puerganti* br. *sorum* br. A. sed A. in margine habet: *furo- rum.* — 11 *thracia* A. *tertia* br. *cui dat* A. — 12 deest in A. *melior mendax* br. — 13 *cuturnis* br. 14 *dac- tilico* br. *dactiliquo* A. — 15 *dalabem* br. *da ualeam* A. — 16 deest in A., in br. non totus adest. sensum complevi. — 18 *leuat* br. *bonus* A. *uonus* br. „et sic persaepe pro *b* positum est“ u. *urget* A. — 20 *et med. quatiunt san. furores* codd. quod equidem non in- telligo. — 22 *amputat* codd. — 23 *talamos rectante* br. *thalamo sectante* A. — 24 *tori regalis* br. *genialis* A. — 25 *regum dux rex agamemnon* br. — 26 *et post dua bella tr.* codd. — 29 *iliagasque* br. — 31 *flumineo* codd. (nisi sphalma est inprimentis). — 32 *tunonis scriuebat* br. — 33 *atque Minervales donis addebat Athenas* codd. — 36 *dicne* br. — 37 *horesti* A. —

---

\*) Non exhibui interpunctionem a Muelleri editione sae- pissime discrepantem, quam ille provinciam tam negligenter administravit, plurimas ut sententias prorsus perverterit. Ceterum quae Muellerus in verbis correxit (sunt admodum pauca) singula litteris Mr. indicavi, ubicunque ad codicum scripturas nihil addidi, mea sunt, quae in contextu leguntur.

38 *parenti* A. *patena* br. — 43 *candido* br. *caruasa ponti* br. — 44 *lux* br. A. *ester* br. *aether* A. — 45 *pelasca* br. *pelasgi* A. — 46 *Mycenis* codd. — 49 *ferre* br. *feret* A. — 50 *seriga uelu* br. *serica uellum* A. — 52 *turiuulascra* br. *thuribula sero* A. — 54 *obstipuit* br. *prauī* br. — 55 *cultor feriente litata* br. — 59 *esum* br. *sumum* A. *mystica cont.* codd. — 60 *per pauca colla* br. — 61 *et das* br. *mundi* codd. — 62 *nox inberrigat ore* br. — 63 *cenitor* br. — 64 *gemitu crebro* A. *gemitus crebris sincultibus* br. *singultus* A. — 65 *uocis itu* br. — 66 *iulia noster ramor set* br. *nota* br. *nata* A. — 67 *qui ffigies*, in cod br. *iuter haec duo vocabula macula est. uiuis an effigies* A. *isolatilis exta* br. — 68 *deest in* br. *si uiuis et non es sacrata morte dicata* A. — 69 *sit corruis* br. *sic corruis* A. Inter hunc et proximum excidisse versiculum perspexi. — 70 *actusque* br. — 71 *manes* codd. *dirempta* A. — 72 *deae posterarum tempora uita* br. *post tergum brachia uincta* A. *circumdاتا* Mr. — 73 *miror p . . . sacra* br. *miror memoriali sacra* A. *nemoriali* codd. — 75 *sacros* br. *agros* A. — 76 *ulixeuor firmatur* br. — 77 *uenire* br. — 78 *acillis* br. *achilli* A. — 79 *commisit uliati* br. — 80 *oras* br. — 81 *mitis at pia* br. *et mitis pia templa* A. *demiserante dianae* br. — 82 *lucenda* br. *ducendo* A. *nullus* br. *nullis* A. — 83 *cultrix* br. *turis aluñā* br. — 85 *agit precepto reture* br. *ait* (corr: *ast*) *precepta repertae* A. — 86 *peletri iuri* br. *letuia* br. *letima* A. *Letoia* Mr. — 87 *deae* codd. — 88 *presas* br. *tribus* A cum correctura *tribuis. quodcunque* br. *quoque* A. — 91 *sacerd. febret* codd. *uibret* Mr. — 95 *dēsi senecti uidelia suplex* br. *dempsisse neci tibi delia supplex* A. — 96 *dauo* br. — 97 *armata* br. — 98 *nil altum troies* br. *nil actum troes* A. *Troiae est* Mr. *licenas* br. *micenas* A. —

100. *uestra pietate* br. *ara pietate* A, *redemp-*



*tam* A. „et sic semper interposito, p cf. v. 71. 95.“ —  
 1 *planctos* br. *unltus* A. „sed a manu correctrice ad-  
 ditum:“ *luctus*. — 2. *dca crudea crudescit* br. — 3 *ocu-*  
*los nullus* br. — 4 *utramipotens* br. — 6 *ad aethereos*  
*A. ad aequor eos* br. — 7 *proscindens* br. *cursibus*  
*codd.* — 8 *praeterea* *codd.* — 9 *moeceneas* br. *re-*  
*plerat* br. *Myceneas* A. — 12 *dane de* br. — 13  
*implentur* A. *caterbis* br. — 14 *capturus uisura reges*  
*A. cum correctura: phryges; captibos uisura frigēs*  
*br.* — 15 *adventus* *codd.* — 16 *quavis accessere lom-*  
*matresque* br. — 17 *incipiens* A. *insipiens* br. *adul-*  
*taera* br. — 18 *plantigeneris* br. *plantigeris* A. —  
 20 *exspectans* *codd.* — 21 *adque* br. *mandata timori*  
*A. mandante timore* br. — 22 *fervore recenti* *codd.*  
 — 23 *attamen infelix* *codd.* *versatur* *codd.* — 27. *raior*  
*br.* *pudor* A. — 29 *aequoreis* A. *rexit merus* br. *un-*  
*dis* A. — 30 *concepta* A. — 31 *gradum* br. — 32 *moe-*  
*cos set* br. *fallit iraudax* br. — 35 *hauita* br. *lice-*  
*tesse* br. — 37 *salbe regna pelagum* br. *exclamat*  
*codd.* — 38. *dardardanedum capte solucia* br. — 39  
*tu qui* br. *uone pastor* br. — 40 *lectum deest in* br. —  
 42 *aduc uestros relebare* br. — 44 *adest efata uiban-*  
*ter culpa* br. — 45 *iam putet e. n. collo pupenīs* br.  
 — 46 *censura pulorum* br. — 47 *horestes.* A. „et sic  
 semper.“ — 48 *uinctina* br. — 50 *credi cari* *codd.*  
 51 *miserum f. a. h. purgandis* br. *purgandus horestus*  
*A.* — 52 *dixit det elisam* br. *dixit et elisam* A. —  
 54 *et pallor* br. — 56 *pahenti* br. — 57 *laeta red-*  
*dit* br. *moesta domo* *codd.* — 59 *uultibus addens*  
*A. uultibus uptans* br. — 60 *nuntia* br. *monina*  
*A.* — 61 *adtonitis lascibus querit* br. *attonitus las-*  
*cius* A. — 64 *post uela* br. — 65 *zelo.* br. *telo* A.  
 — 68 *faciat* *codd.* — 70 *turbidus* *codd.* — 72 *amuo*  
*br.* — 73 *gloria ut* (i. e. uel) *ligeri fer. et armara*  
*br. feriantur* *codd.* — 75 *uēllorum* br. — 76 *fortuna*  
*nocens* *codd.* *ut sanguinis usti* br. *et sanguinis*



ulti A. — 77 *humani generis* codd. — 78 *gasta* br. *per de fero* codd. (nisi *sphalma* est imprim.) — 79 *multis sceleris* br. *reperdere* codd. — 80 *extorqueo* codd. — 81 *causa habet uiteq: nescis* br. — 82 In br. *ultima* versus *literae iclum* desunt. — 84 *morus* br. — 85 *sollicitor* codd. — 86 *hortor tamen* br. — 87 *inpersone* br. *impero ne* A. — 88 *agamemnonē uisu* br. *Agamemnone uiso* A. *versum* 90. 91. 92 hic est in codd. ordo: 91. 90. 92. — 89 *funereos* br. — 91 *semper inops* A. *semper iners* br. *egit q. p. ostem* br. — 93 *brbis est et parb:* br. — 95 *iners retinens* br. *necidens* A. *nequiens* Mr. quod potest fortasse defendi locis quibusdam Apuleii *Metamorphos.* — 96 *exolat* br. *alter Atrides* codd. — 97 *agis* codd. — 98 *felicioribus* br. — 99 *adque gamemnonio* br. —

200. *exemplum regens* br. *exemplumque regens* A. *recens* Mr. — 1 *interfectur item* br. — 3 *metuant* br. *sterno thiestis* A. *sternoticstis* br. — 5 *ualeuo* br. — 6 *laurē et tinguere* br. *laborem extinguere* A. *labor est ext.* Mr. — 7 *adque* br. — 9 *grasso* br. *crasso* A. — 10 *feris* br. *erit* A. *ferus* Mr. — 11 *indumenta. duci* Mr. — 12 *cupit hecserta tyr.* br. *uolet exertare tyr.* A. — 13 *deest in* A. *egredere* br. *pracuento ratroꝝ* br. *praeuenta et atroꝝ* Mr. — 16 *succumbē eo* br. *medella* br. A. *abertere funere* br. — 18 *nostris* br. — 19 *infauta loquens* br. *infauta rogans* A. — 20 *turpidus* br. A. — 21 *audacem terrorque proterbum* br. *intermediis omissis. terrorque superbum* A. *protervus* Mr. — 23 *ostem* br. — 24 *ians* br. — 26 *uibrando* br. A. *uibrante* Mr. *trisulcat* br. — 27 *resumsit* br. — 29 *inplete plecti rustica* br. Inter secundam et tertiam vocem rasura est. *implentem amplecti per rustica* A. *implens* Mr. — 31 *uicē retibens* br. — 33 *uarios ornata choronis* br. — 34 *plus magis* br. *discrimine* A. — 35 *rupit*

*inde* br. *rapit inde securim* A. — 37 *inter claustra* A. — 39 *ratae* br. *tracta tellurē* br. — 41 *orrore* br. — 42 *erat cælo referens* A. *uela* br. — 44 *adque* br. *choruscales findebat* A. — 46 *oscula panti* br. — 48 *pertinget ad* br. *pergit et ad* A. *thalamos . . . portae* codd. — 51 *uir pacis* A. — 52 *contesta lauore* br. — 54 *det . . . . . tecmine* br. — 57 *accipit* br. *accepit* A. — 58 *dextram* A. *uibrante uipennem* br. — 60 *uertice faucem* A. — 61 *seminantur* br. — 62 *in exta* codd. — 63 *laudate m. r. condidit* br. — 66 *euaderet retia* br. *euadere et* A. — 68 *collisis dentibus* A. — 69 *cruento* A. — 71 *ut mens* A. (cf. ad 173.) *uel mens* br. — 73 *delfcastidicos* br. — 75 *desertorem* codd. — 76 *desertor* codd. *pecudumque* A. — 79 *dare . . . madei* br. *inter e et m parua* est lacuna. — 80 *miseros* br. A. In A super *o* positum est *i. at forte* A. — 81 *de morte secunda* codd. — 83 *adque* br. — 85 *sereauit oresten* br. *horestem* A. — 87 *atenis* br. *athenas* A. — 88 *sapientis addit* br. — 90 *spes agan.* br. — 91 *eram* br. *pilades amoris* A. — 92 *iuncxerat* br. — 96 *venandum fuerat* codd. *dubitanter scripsi cum erat.* — 97 *si quisque levem* codd. — 98 *hunc similis* A. *hoc* br. *producere* codd. — 99 *iubalenis* br. Post hunc verum in br. haec scripta sunt: *Paruene insus erat pueris sic acullus es*, quae Muellero sic videntur esse legenda: *Par bene sensus erat pueris*. Equidem verum extricavi qualis 300<sup>a</sup> legitur.

300. *nec ui nec quicquam* br. ultimi vocabuli litterae *c* impositum est *s. uincere serens* br. *feruens* A. — 1 *amataque* br. *pastora* br. — 2 *post luce* pastor *amabit* br. — 3 *uentibus* br. *mortibus* A. — 4 *omicida* br. — 5 *choruscum* A. — 7 *et magis* codd. *tietis* br. *tiestis* A. — 8 *intrate torua tum* br. *horestem* A. — 9 *defossa sensit* br. *defessas* A. (et Mr.!) — 11 *reges* br. *castas* br. *raptas* A. — 12 *extuat* br. — 13 *ostendit* br. *quia* codd. — 14 *auraque* A. — 15

*particem* br. *solature arte* br. *solatur et altae* A. — 16 *anticipitem* br. — 17 *quos* A. — 18 *quas sarrula gapsas* br. *quasi scrinia capsas* A. Equidem *quasi scrinia* glossam arbitratus esse vocis *capsas* eliminandam censui, *blandissima* complendi versus causa inserui. — 19 *munilia* br. — 20 *pauores* br. A. *fauores* Mr. — 23 *licet extae pulcra* br. — 24 *his ornat* codd. — 25 *adgrediture praesumta* br. *ag-greditur praesumta* A. — 26 *diuitias* br. Muelle-rus legendum censet *ornata novis* additque: omnia haec verba ita sunt corrupta, ut vix quicquam corri-gere „auserim“ (sic!). — 30 *pulchrius est aurum* codd. — Inter 38 et 39 versum excidisse cuius patet, quo-circa lacunae signum posui. — 31 *onesta* br. — 32 *citreaa tricem* br. *cythara* (in marg. *cytherea*) *tru-cem* A. — 33 *feminea* br. A. — 40 *loquantur* br. — 41 *sillacessis p. l. uipennis* br. — 42 *censuera regem t. t. m. periret* br. — 43 *adque utinam minalenem per uella periret amazo* br. „ex quibus literis vix ap-tam elicere possum sententiam, qua de causa totum versum ex A. recepi“ Mr. Quem ego secutus quidem scripturam codicis br. eo ducere arbitror ut legatur *illum utinam militem per bella feriret Amazon.* 44 *pentesilea* br. A. *quavis* br. A. *qua uix* Mr. *Atrides* codd. (et Mr.!) — 45 *infanda prostratus* A. *pe-riret* br. — 46 *cum clamide* br. — 47 *et per detrac-tus* br. *et detractus humi* A. — Inter 47 et 48 exci-disse versum patet. — 48 *cadens* br. — 49 *qua spe* br. A. *qua re* Mr. *cumulatur* codd. — 50 *neclexit* br. — 51 *occusus dodilas* br. *atridae* A. — 52 *horestis* br. A. — 54 *finge q. p. ravidus demerserit atridis* br. — 56 *origo populorum* br. — 58 *annum fallacia uota uota iubate* br. — 59 *adsertor honestis* br. *assertor horestis* A. — 60 *insortes* br. — 61 *mater plenda pa-rat uel biticus* br. *mater non flenda* A. — 63 *deest* in A. *et mare* br. — 65 *deest* in A. *ad irbem* br.

*funestam accurrît* br. — 66 *uoce uocat* A. *uoce uoat* br. *pro iupiter estis* A. sed in marg. adscriptum est *hostis*. unde Muellerus *pro Iupiter hostis*, (!) — 68 *saeuit pelagus* A. — 69 *quod pueri* br. *quod . . . gessere* A. inter haec vv. parva lacuna. *quid pueri* Mr. (!) — 70 *cessit* br. *iliacos b. t. campos* br. versusne post hunc excidit? — 71 *optata* codd. — 72 *dum uidî* br. *mergentes* br. A. *carinas* A. — 73 *erat comes* br. — 75 *iusta* codd. *cliternestra tremitis* br. *mitis* A. — 76 *uea* br. — 78 *diceret haec cum voce pia* codd. — 81 *inperat . . . citu* br. inter haec vocabula parva est lacuna. — 82 *quèm sic extorsa profari* br. — 84 *perfrere lustra* br. — 85 *necis sed aduc supertis* br. — 87 *quod sic minuit uos saeuis* A. — 88 *que exausit* br. — 89 *tonisus* br. *tot nixus* A. — 90 *spoliare ciues* br. — 92 *quae sua* br. *quo sua* A. iam interposuit Mr. et primo versus loco scripsit *cui; proles iacuit* codd. — 94 *cubante* br. — 95 *sollicitant nulla stipulauerat aures* br. — 96 *decerpere* A. *recerpere* br. — 97. *uacant c. f. enses* br. — 98 *ossibus et nervis* codd. *deflexos c. arcis* A. — 99 *agitate* A. *scelerisque* br. —

402. *finire senectam* A. — 4 *licet et propter* br. A. — 7 *perhennem* br. — 8 *impius heres* A. — 9 *patri dominator* br. — 10 *me profitente* br. — 11 *descendere iussit* A. — 14 *ipsa sibi* br. — 15 *regalibus, advena servis* Mr. — 17 *siue turpe* br. *sibi uile* A. — 18 *sub pastore* codd. — 19 *mercede* codd. *sanguinis hostem* A. — 22 *bono* codd. *bubulcum* A. — 24 *fuerat* codd. — 25 *acillis* br. *acilli* A. Ceterum vv. 425—426 non intellego. — 26 *possedit regnum Tamiris regina Getarum* codd. — 29 *cremabat* br. — 30 *incolumi* A. *incolomi* br. — 32 *lectus* A. — 34 *quos quitice* br. *quos scythicae* A. — 35 *nam tu* codd. — 37 *Mycenei* codd. — 39 *meminisse fuit* codd. — 40 *manibus* codd. — 41 *loquar eua dente banis*

br. — 42 *fata uiror* br. A. *crepitante redalem* br. *crep.* Nealcen A. — 43 *cum pietas* br. A. *quam pietas* Mr. — 45 *crudelibus amedellis* br. — 46 *in puluere* codd. — 48 *conuiuian felix* br. — 52 *inheret parcarum* br. *crimina* br. A. — 53 *inlicitis* br. *illiciti* A. — 56 *fluens per hec tempora regem* br. *fluens tempora per-*  
*dita regum* A. *flens haec per tempora* Mr. — 57 *ge-*  
*mitum* br. *tremulis* codd. — 58 *pauorem* br. — 59  
*horestis* A. — 63 *uela triumphis* br. — 66 *numina,*  
*prouentus Danaos* Mr. *uincere tecta* br. — 67 *rema-*  
*nens* codd. — 68 *laboratis elenam ne pastoralis haberet*  
br. — 70 *census* br. *membra salutem* br. — 72 *fluctus-*  
*que* br. *fletusque* A. — 73 *umus telluris iatur* br. — 74  
*furalibus* br. — 75 *Achillis* codd. — 79 *tessalus eros*  
br. *thessalus heres* A. — 81 *actores* A. — 82 *geritis*  
codd. — 83 *thartareas prosciso* br. — 85 *benient a.*  
*r. testis* br. — 88 *non licet sponte potestis* br. *nonnisi*  
*sponte uenistis* A. — 89 *peto* codd. — 90 *theuis uici-*  
*na* br. — 94 *percusserit tense* br. — 95 *aceronteis*  
br. — 96 *malum mortale uenenum* codd. — 97 *actores*  
A. cf. 481. — 98 *tormenta parentis* br. — 99 *gemitu* A.  
500. *lalore* A. superscriptum *do.* — 5 *prostrante*  
codd. — 6 *credo* codd. — 7 *adulter coniux* br. *adul-*  
*tera coniux* A. — 8 *maculare pente* br. — 9 *tum*  
*fraude* br. — 10 *nam nec inultus* br. *deest versus in*  
A. — 13 *et absedunt* br. — 15 *alter horestes* A. *Athe-*  
*neis* codd. — 17 *commerca* br. — 19 *ambibus* br. —  
20 *post uela* br. — 23 *pallea punice* br. *perfuderat*  
codd. — 24 *in* A. *legitur post vers. 25.* — 27 *vestita*  
*sub flore gena* A. *genas* br. — 29 *promotus* codd. —  
30 *cluat* br. — 32 *plaudeat* br. A. *perissem* br. *audiat*  
Mr. *uos non iam fama* codd. — 33 *si spero cecropidas*  
A. *si peto cicropidas* br. — 34 *incolomi* br. *acillen* br.  
— 35 *tesera piritous u. s. e. amabit* br. — 36 *gladios*  
*in uellabr. gladio* A. — 37 *adque adfine* br. *atque af-*  
*fine u. cognoto* A. *ascendite* codd. — 40 *paterne* br. —

41 *patrem matrem* A. *icta* br. — 43 *esse sicum quem* br. — 44 *ultores theres* br. — 45 *danaum* A. — 46 *turua* br. — 47 *sentient irati* br. *quod t. istis* br. *quo t. itis* A. — 50 *coniugis infande c. m. ore manca* br. *infraude c. m. cremanda* A. — 52 *agamemninia proles* br. — 53 *ab illo* A. — 54 *adtonibus quae t. potentia* br. — 58 *anxia* codd. — 60 hunc versum sequitur in codd. quem ego posui 64, qua transpositione in ordinem redacta sunt quae Muellero videbantur turbata. — 61 *perpenda diune qui nomen se pericla* br. *diu vix primo menso periclo* A. quam Muellerus scripturam in textum haud mutata recepit! — 62 *portare m. stumulante* br. — 66 *flumine perpetuo* A. *saporem* br. *soporis* A. — 67 *mella saporem* br. — 70 *parentem* br. Interposuit ad metrum restituendum atque Mr. ego *mihi* interposui. — 71 *undecimis mea aetas eximeret annis* br. *undecimis aetas me duceret annis* A. — 72 *matre uonor* br. — 74 *solusque superstite* br. *solus* A. — 75 *satiabo* A. *saciabor* br. — 76 *prostato* codd. — 78 *mecum garrula uidit atridem* br. *qui gaudens uidit* A. — 79 *haec diuius* br. *cunctator* br. — 81 *aggressos* br. *horestem* A. — 82 *sic sensus* br. — 84 *audi benefandum* br. *audiri nefandum* A. — 86 *mage itq: dignior ora* br. — 87 *a scelus* br. *poenis ferienda* codd. — 88 *Danaum praescripta* codd. — 89 *dum uidere* br. — 91 *soporati* codd. — 93 *obside te tremulis* br. *laccessent* br. „Fortasse“: *tremulis te uocibus* Mr. *astra laccessens* codd. — 94 *inuenitor sic nate p. ras* br. — 95 *fatq: genitoris adempti* A. — 98 *ut sit quae post* br. A.

600. *uictimas et uaris* br. — 1 *tibi moesta loq.* codd. — 2 *pius an pietate* br. *pius est* A. *pius es* Mr. — 3 *fundentur* br. — 4 *indole regni* codd. — 7 *extremo gemitus fercacula duorum* br. *in extremo semifera colla* A. (et Mr.!) — 9 *hanec metuam* br. *uestri* br. — 10 *sollers immane* codd. — 11 *tacita*

quos codd. — 12 turba minis br. — 13. corde frue-  
runt br. corde ferentur A. — 14 rapiunt br. sic  
ocius A. sic totius br. — 16 iuuenale br. iuvenile  
A. — 17 inlaests frangebat codd. — 19 ligaret  
codd. — 23 truci cum posc. br. truci deposc. A. —  
25 ergo ubi br. sic ubi A. — 28 causa br. — 33 clas-  
sica bellisonis quatiens codd. — 34 si pede br. A. —  
36 inides s. lertius br. — 37 sic aetaltene iuvenes pe-  
tiere br. anbo petiere A. — 39 doloiras sibi trepi-  
dantibus br. dorilas subito trep. A. — 45 lux oriatu-  
r br. — 47 triumphorum codd. — 48 delubra ducum  
codd. — 52 fuerit br. — 55 regia familia sc. h. punite  
br. — 57 manus astringere br. — 60 mulierem stern.  
codd. — 62 amicus br. — 63 et 64. Desunt hi versus  
in A. 64 quidque dolenti ualenes sed pergimus inquit  
br. quidque dolenti ualens Mr. — 65 subiecit A. su-  
biccit pilades et inquit br. — 70 dent gr. celeris br.  
— 71 peruenit uterque A. — 74 moniti surgentibus  
br. A. — 75 circumque ministro A. — 77 possent br.  
— 79 aduentum domini pars retinet A. — 81 rustilum  
br. — 83 micans br. damnati estis br. — 84 arides  
m. q. linquerat br. — 85 sed m. ill. dextrum br. —  
86 salue br. — 90 quando er . . file br. eriphilem  
A. — 91 agurus anfiar br. — 92 circuminspicit oспes  
br. circumspicit hostes A. — 95 introgressu co-  
gnosci br. — 96 hos agam. br. oculosque manusque  
br. gaudentes fremunt codd. — 99 stipuere br.

701. ullus A. ad Argolicos moeuat quid bella  
codd. — 3 dicabam br. — 4 sic uiuam br. si uiuam A.  
— 6 puellarumale br. — 8 locuta br. — 12 coruscis  
br. — 13 actores A. auctores scelerum crudelibus  
ausis: Mr. — 14 regnantis br. — 15 sperastis suos br.  
— 16 suplia scel. br. perenti br. — 17 famulos suos  
ultr. br. — 19 atridae A. — 20 durissima m. securis  
codd. — 21 rege br. — 25 postquam feres br. atridae  
A. — 26 ossibus et fractis br. — 27 partitos br. — 29 In

br. iam est omissum. — 32 *crimine trabat* br. — 37 *sed manibus* codd. — 38 *mamillis* A. — 39 *natum puerum ista per A. natum pe hec puer ubera* br. *per haec puer ubera* Mr. — 40 *per clara sororis* codd. — 41 *furori* br. *quae nostro* codd. — 42 *piladem* A. *est estor amicum* br. — 43 *parente* br. — 44 *si dicis sum digna* codd. *tum natus inanes.* Mr. — 47 *post hec* br. *nec ferit* codd. — 51 *iactas m. m. tr. uirgo* br. — 53 *frigiae praesagia futis* br. *praesagia sortis* A. „*uatis iam* J. B. Sinner in catalog: bibl. Bernens. T. I. p. 508 emendavit.“ — 55 *net necet* br. *necet: nec ensis* A. *necet, necet* Sinner l. l. — 56 *complex et nostri* br. *complex sit n. cr. actor* A. *auctor* br. *et scelerum complex sit nostri* Mr. Versuum 57 et 56 sedes transposui ut sunt in A. — 57 *recedens* br. — 59 Post hunc versum in cod. A. legitur versus 65 inclusus syllabis *ua-cat. quia sors* codd. — 62 *ne cruor* A. *mense minaci* br. — 63 *nec fructus* br. — 67 *sancte pater* A. — 68 *inferias* br. *inferias* A. *iustae* br. *iusta est* A. „Utroque loco iam Sinner rectum habet.“ — 69 *mato* br. — 72 *quo tardius* codd. — 73 *danae mater* br. *daneia mater* A. *Danaeia* Mr. — 76 *expectate ciues nator et hibernate parenti* br. *haec spectate truci et nato perhibete parente* A. — 77 *quod genitus* br. *quo fuerit genitus* A. *mercedem cernite lactis* codd. — 78 *dixerat et* br. *genitrix* A. — 79 *quod potum* A. — 80 *almus quos* br. — 84 *enio* br. *crinis* br. *herinis* A. *capulabat* codd. — 85 *purpureo* br. A. — 92 *uerbere corporeo* codd. *harenas* br. — 94 *lumina* A. — 99 *atridens* br. *atridem* A. *mater* br.

804. *rosida* A. *palla* codd. — 6 *hermionae* A. *hermione* br. — 8 *amicum* codd. — Versus qui nunc sunt 11. 12. 13 ita sese excipiebant 13. 11. 12. — 9 *extorsus* br. — 11 *dum tamen eripiam* codd. — 13 *nam decet . . . mereri* codd. — 14 *produxit in hostem* codd. — 15 *subientem* br. — 18 *diademate frangit* A.



— 21 et 22 in br. transpositi sunt ita ut versum 20 sequatur 22 et hunc 21. — *resoluto sortibus anges* br. — 22. *faciem iualenis : motale* br. — 23 *uirum fuit* br. *furit* A. — 24 *recensus* br. — 26 *claditur* br. — 27 *inferius* codd. — 29 *sat erant* br. — 30 *ut sceleratu* br. *maculare* br. — 31 *adamanteos f. c. postes* A. — 32 *estrue per calium si sunt tibi mille finestrae* br. — 34 *freta per terras* A. *silua* br. — 35 *angue rogi* br. — 36 *uincere matr* br. — 37 *in manibus ad* br. — 41 *agnosces* br. *umbra grauatur* A. — 42 *furorem* br. — 43 *inacius* br. — 44 *ex uaco male* br. *licirgus* br. *ligurgus* A. — 45 *furit a . . cides seua terrentem egebat* br. *Aegides* A. (et Mr.!) — 46 *furiit*. Sic uterque codex. — 47 *totam d. in aulam* br. — 48 *famulos matrem putat* br. — 50 *os simul* br. — 51 *Pyladis tamen facies non terret amicum* codd. an legend. *effligies non t.?* — 53 *esuriret faucibus* br. — 54 *inferna fames animo torquetur inane* codd. — 57 *quos nocet adtinguat furiaccibente* br. — 58 *quo numina poscent* br. — 59 *supplex ut* br. *tertia regna* codd. — 60 *deplent* br. — 64 *tollite externas* br. *tollit et extremas* A. — 65 *litera canticera fuerant* br. *ibi templa* A. — 66 *mos serbus ubi* br. — 67 *ereptus* A. *erectus* br. *mox statuitatus ad* br. *mox ipse staturus* A. *statutus* Mr. His et sequentibus locis misere in interpungendo lapsus est Muellerus. — 68 In br. inter *armetur* et *ferro* lacuna. In A: *armetur quid ferro more*. — 70 *triuere aduersa* br. — 72 *sollers sifigenia nomen atridis* br. *sollers ephigenia n. atridae* A. — 73 *ostia* br. *clamans* br. — 78 *ligatis* codd. — 79 *corda carent* br. *corda micant* A. et Mr. — 83 *precatum* br. — 85 *patria r. sua* br. — 88 *conscendere patres* br. — 89 *surgit atihilleus* br. — 92 *oblitu* br. — 94 *fundate* br. A. *et dextra fundate sua* codd. — 95 *pirrus* br. — 97 *auersorem* br. *achilli* A. — 98 *refet quia mater scelerata* br.

900. *fuit trea* br. — 2 *censet haec reuera* br. — 5 *hoc opus* br. — 6 *tempore sed* br. — 8 *lumina* br. — 9 *ateneum* br. *atheneum* A. — 11 *affectus amandi* br. A. — 13 *quod sit . . or.* br. *quod sit amor* A. — Versuum quos nunc posui 17—24 is erat ordo: 17. 22. 23. 18. 19. 20. 21. 24. — 15 *adsistens inter subselia sospes* br. — 16 *incolomis* br. — 17 *tractante* A. *uenendi* br. — 20 *salutes* br. — 21 *deum* br. A. *uelle iniquum* br. — 24 *deest in* A. *sacrilegos* br. — 26 *aucuset u. in c. duos* br. — 27 *quid faciat facinus* codd. — 28 *cur ergo nocentes* A. — 29 *ne poena* br. — 31 *uindex post bella* codd. — 36 *fata tractantur* br. — 37 *arbitri quos* br. *quod dispar* codd. — 39 *suplex* br. *duplex* A. — 40 *paris utrique* br. *paris utrinque* A. *par est* Mr. *discrepat* codd. — 42 *his datur* br. — 43 *pocerum t. s. perra* br. *sententia uera* A. — 46 *praescripto capimur* codd. — 47 *non sinit audiri* codd. — 50 *necter estas erat* br. *inpone.* br. — 51 *iuxto* br. — 53 *securus Orestes* codd. — 54 *sitque* codd. — 55 *attuerant excipiunt* br. *damnantes* br. — 56 *egressus* br. — 59 *diuitiis reputuntur* br. *implentur* A. *re . . atis* br. — 62 *honestos* br. — 63 *uos una* br. — 66 *naiadum sat* A. *danea* br. A. cf. ad vers. 774. *fecta* br. — 69 *miceneas* br. *myceneos* A. — 70 *uestro* br. *nostro* A. — 71 *sceleris* A.

